

茅 山

李氏族谱

公元二零一三年（癸巳）仲冬

第一卷

广东化州茅山李氏族谱

总 目 录

序 言 、 记 事

世系：曰龙公一世至五世

广东化州茅山李氏族谱

全套总目录

第一卷

A 序言、记事

李氏史海寻踪记·····	十七世孙	起华提供	八页至九页
寻根记·····	十五世孙	礼岳	
	十六世孙	坚荣	同撰 十页至十一页
陇西李氏世系记·····	十世孙	重华撰	十二页至十三页
入粤始祖·····			十三页
陇西茅山族谱序·····	九世孙	发璧敬撰	十四页

陇西茅山李氏谱序	九世孙 圣式撰	十四页
重修陇西茅山谱序	十一世孙 廷椿撰	十五页
续修陇西茅山李氏谱序	十五世孙 辉云 十六世孙 香墀 十六世孙 李振 合撰	十五页至十六页
承修陇西茅山李氏谱序	十七世孙 严锋撰	十七页至十八页
乾隆五十七年岁次壬子仲夏谷旦		十八页
同治十二年岁次癸酉仲春谷旦续修		十九页
公元一九八九年（己巳）仲冬谷旦续修		十九页至二十页
公元二零一三年（癸巳）仲冬承修		二十页至二十一页
茅山李氏谱续修记	十六世孙 增锡撰	二十一页至二十二页
癸巳承修谱记		二十二页
避祖讳论		二十三页
李氏族谱例		二十三至二十五页
李氏祭礼仪注		二十六页
大宗榜文式		二十七页

李氏家训	·····	十七世孙	严锋撰	二十七页
小宗榜文式	·····			二十八页
新建合水祠堂记	·····	十世孙	重华撰	二十八页至二十九页
奉①	·····			二十九页
奉②	·····			二十九页至三十页
奉③	·····			三十页
奉④	·····			三十一页
奉⑤	·····			三十一页
奉⑥	·····			三十二页
奉⑦	·····			三十二页
奉⑧	·····			三十三页
奉⑨	·····			三十三页
恭祝	·····	举人	陈振邦	三十四页

敕封十世祖妣黄孺人诔	岁贡	张丹作	四十三至四十四页
妣儒林郎十世祖特斋公诔		重华撰	四十四页
妣儒林郎十世祖特斋公诔		举人 陈振邦撰	四十五页
妣安人十世祖妣龙安人诔	岁贡	廷椿撰	四十五至四十六页
妣安人十世祖妣龙安人诔	岁贡	招烦翹作	四十六至四十七页
十世赠儒林郎邦祜公诔			四十七页
敕封十世祖妣贞节张太孺人传	乙卯举人持授化州知州	吴尚恭	四十七至四十八页
庠生十一世洙溪公	恩岁	翰青	四十八页
附贡十一世维周公诔	岁贡	翰昌作	四十九页
陪贡十一世礮溪公诔	举人	黄直光撰	四十九至五十页
陪贡十一世祖礮溪公诔	岁贡	廷椿作	五十至五十一页
增贡十二世香池公诔	岁贡	廷椿作	五十一页
庠生十二世南鹏公诔	岁贡	廷椿作	五十二页

贞节江孺人传……………岁贡 廷椿撰 五十二至五十三页

茂鸿府君墓志铭……………十四世孙 崇諲作 五十三页

十六世正权公传……………十六世孙 永熙作 五十四页

各世祖遗下蒸尝祭田土名丘段……………岁贡廷春作 五十五至五十六页

附：迁居各地的支派……………五十七至五十九页

附加语——关于我族谱续修的编写及建议……………十六世孙 增锡撰 六十页

附：曰龙公一世至五世世系宗支（梗概）图……………六十页

B 序言、记事

化州茅山李氏世系宗支……………六十一至六十四页

一世至五世……………六十一至六十四页

第一卷

同光公（共三派）

长华先公（六世至十一世）	………	一页二页
次华松公（六世至七世）	………	二页
三华栋公（六世至二十世）	………	三页至四页
子明（秀十世至二十世）	………	四页至十六页
子郁（二派十世至十八世）	………	十六页至二十四页
子连长派四支（十世至十七世）	………	二十四页至二十六页
子连次派华三支（十世至十七世）	………	二十六页至三十二页
同英公（共三派）（五世长派华斗止）		
次华国公（六世至十八世）	………	三十二页至四十六页

枝乾（十三世至十八世）……………四十七页至四十八页

枝芳（十三世至十八世）……………四十八页至八十页

三高辉公（六世至十二世）……………八十页至八十三页

同善公（共二派）

长高尚公（六世至十一世）……………八十四页至八十五页

次高超公（六世至十七世）……………八十五页至八十九页

第三卷

同榜公（共八派）第一二三五七派

长高宏公（六世至十世）……………一页

次高士公（六世至十六世）……………二页至十页

三高玉公（六世至七世）……………十一页

五高昇公（六世至十九世）……………十一页至五十五页

七世创仁

十世 日镇（十三世至十九世）……………十二页至三十页
日隆

十三世至十八世……………三十页至五十五页

七高羽公（四派六世次派止六世四派常聚迁江平）

长常存（六世至十九世）……………五十五页至八十四页

三常佑（六世至十七世）……………八十四页至九十九页

第四卷

同榜公（四派）

四高庭公（共六派二六世长派止）五世至十九世……………一页

次常泰（六世至二十世）	………	一页至三页
参陶（十一世至十九世）	………	四页至十三页
浦（十世至十九世）	………	五十一页至八十九页
三常学（七世至二十世）	………	一七五页至一七八页
四常茂（七世至十六世）	………	一七五页至一七八页
五常森（七世至十八世）	………	一七八页至一八四页
参福（十一世至十八世）	………	一八四页至二〇〇页
六常益（七世至十三世）	………	二〇〇页至二〇二页

第五卷

同榜公（六派）

六高志公（第一三四五六派）

长常宗（六世至十八世）	……	一页至十九页
三常敏（六世至十七世）	……	二十页至二十七页
四常英（六世至十九世）	……	二十八页至七十一页
五常彦（六世至十七世）	……	七十二页至八十一页
六常晤（六世至十七世）	……	八十三页至八十七页

第六卷

同榜公（六派）

六高志公（共六派：第二派）	……	……
次常勤公（共二派：六世至十九世）	……	一页
长惠章公（共五派：八世长派四派止）	……	一页

次崔泽（八世至十世）	……	一页至四十九页
三雁泽（八世至十九世）	……	一页至四十九页
五魏泽（八世至十二世）	……	一页至四十九页
次兰章公（共六派）	……	四十九页
长峯泽（八世至十九世）	……	四十九至六十九页
次崑泽（八世至十八世）	……	六十九至九十页
三崖泽（八世至十九世）	……	九十页至一一一页
四翁泽（八世至十一世）	……	一一一至一一二页
五岑泽（八世至十八世）	……	一一二至一三五页
六岢泽（八世至十七世）	……	一三五至一六〇页

第七卷

同仁公（共二派：第二派六世长派迁海康）

次高秋公（六世至十一世）…………… 一页至五页

同昌公（共二派，第二派六世长派止）

次高祯公（六世至十七世）…………… 六页至十二页

善贤公（共二派）六世至十九世

长应球公（六世至十八世）

栋贤（九世至十三世）…………… 十二页至十四页

栋材（九世至十八世）

毓盛（九世至十八世）…………… 十五页至二十一页

应贵（十二世至十八世）…………… 二十一页至二十八页

文聪（七世至十八世）…………… 二十九页至三十三页

次应运公（六世至十九世）

世芳（十世至十九世）…………… 三十三页至四十四页

善学公（一派）六世至十八世…………… 四十四页至四十九页

曰凤公（一世至四世）…………… 四十九页

恩荣公（共七派）只载四派其余不载

长高松公（五世至十九世）……………五十页至九十一页

次高伦公（五世至十七世）……………九十页至九十九页

三高岳公（五世至十六世）……………九十九页至一〇二页

三高岳公（五世至十六世）……………九十九页至一〇二页

四一贵公（五世至十二世）……………一〇二页至一〇三页

李氏史海寻踪

(引自中华姓氏通史)

一、李姓的来由

古时人们只有名而没有姓。

虞朝以前，现山东曲阜地区有一位东夷部族首领名叫皋陶，由于他办事正直果敢，功德高深，被当时的尧帝封为掌司法的理官。皋陶以后，历虞、夏、商三个朝代，子孙二十六世均为理官，按照古人以官为氏的习惯，故称皋陶及其子孙为理氏（当时理、里与李相通）。传至理征，时任商纣王的理官，因对商纣王昏庸无道，屡屡直言进谏，被商纣王杀害。其幼子利贞，为逃避商纣王的追杀，与母日夜奔逃，在疲惫饥饿的途中，因摘食树上果子得以活命，为感激『木子』救命之恩，也为逃避商王的追杀，遂改『理』为『李』。所以说，皋陶是中华李氏血缘始祖，而利贞是李姓的得姓始祖，而利贞的后代周平王时任太守、中国道教的始祖老子、中国历史上赫赫有名的李耳，为『正史』明确记载为李姓的第一人，距今已有二千七百多年。

二、强盛的唐王朝，是李姓人数空前增长的历史时期

唐王朝建于公元六一八年，从唐高祖李渊起，历经十五代二十三王共二九零年。唐王朝当时处于极盛时期，唐朝中央成为全国各民族的向往中心，李姓成为当时百家姓中至高无上的国姓。唐朝历代皇帝把赐姓作为加强统治的一种有效手段，而所有有功之人，也把皇帝赐给的李姓作为最大的荣耀。根据不完全的统计，唐朝赐姓涉及到国内上十个民族、十六个异族，其中包括汉族异姓和外国异姓。赐姓、改姓、冒姓（主要是赐姓）、汉化，极大地扩展了李氏宗族。『李姓占汉族人口的百分之七点九，为百家姓之首。』『李姓在海外的布局涉及到十几个国家，每三十个人中就有一人姓李的。』

三、陇西是中华民族李氏的发源地

陇西在甘肃省境内，位于现陇西县。据有关学者考证，在当时全国十三个最大的李氏族群中，陇西李氏和赵郡李氏两支名声最大，人口最多。而他们又都同出于一源（两兄弟）。后来，陇西李氏又发展有四大房系，赵郡李氏又发展为六大房系，他们散居在全国各地和海外各国。大唐的开国皇帝李渊，就是来自当时的陇西，此两族群在唐朝除了皇帝以外。将相辈出，仅赵郡李氏就出了十七位宰相，因此认为：『陇西是中华民族李氏的发源地』，并有『天下李氏出陇西』之说。为纪念陇西李氏祖宗，唐朝中叶，曾在该县李氏的聚居村——南安乡一心村，建有殿堂林立，巍峨宏大的『陇西堂』，

但后来被兵乱所毁。《人民日报》一九九二年八月二十七日登过《李氏根居在陇西》一文。其中写道：『经过有关专家多年考证和掌握的大量历史资料证实，李氏根就在陇西。』目前，甘肃省委、省政府办公厅正式批准在陇西修复李氏『陇西堂』。

四、新加坡的李光耀和台湾的李登辉原祖同宗同村

有关学者考证，新加坡原总理李光耀和台湾原『总统』李登辉，两人祖籍都是福建上杭稔田乡丰朗村。李登辉是李氏入闽始祖李火德的第二十六代裔孙，而李光耀是李火德的第二十八代裔孙。但令人痛心和憎恶的是，李登辉竟然想把台湾从中国分裂出去。

五、李氏得姓始祖利贞公直线世系

一世李利贞、二世李昌祖、三世李彤德、四世李庆、五世李承、六世李硕宗、七世李显、八世李爽、九世李环鼎、十世李爵、十一世李寅龙、十二世李熙宠、十三世李尧性、十四世李辉、十五世李连顺、十六世李乾、十七世李耳、十八世李宋、十九世李同、二十世李充、二十一世李跻、二十二世李恪、二十三世李洪、二十四世李兴族、二十五世李昱、二十六世李崇（陇西始祖）、二十七世李瑶、二十八世李信、二十九世李超、三十世李仲翔、三十一世李伯考、三十二世李尚、三十三世李广、三十四世李

敢、三十五世李禹、三十六世李丞、三十七世李先、三十八李长宗、三十九世李君况、四十世李本、四十一世李次、四十二世李轨、四十三世李龙、四十四世李艾、四十五世李雍、四十六世李柔、四十七世李弇、四十八世李昶、四十九世李皓、五十世李歆、五十一世李重耳、五十二世李熙、五十三世李天赐、五十四世李虎、五十五世李昺、五十六世李渊、（五十七世李世民）、五十八世李治、五十九世李旦、六十世李隆基、六十一世李亨、六十二世李豫、六十三世李适、六十四世李诵、六十五世李纯、六十六世李忱、六十七世李瓘、六十八世李晔、六十九世李祝、七十世李熙照、七十一世李韬云、七十二世李英亮、七十三世李新成、七十四世李训教、七十五世李泰青、七十六世李泳定、七十七世李纲、七十八世李贵、七十九世李奎、八十世李孟（奇）、八十一世李珠、八十二世李火德（入闽始祖）。

十七世孙起华 提供

甲午年三月

寻根记

水有源，树有根。从广东化州茅山李氏族谱可知，我族入粤太始祖大卿公乃江西吉水人也，宋进士任增城知县，致仕后卜居东莞茶园，越十世我祖曰龙公偕祖母苏孺人徙居吴川竹山，后迁居茅山。从而可知，大卿公入粤后至我祖十世就没有编入族谱。为获此资料，二〇一三年十二月十三日，我们与李英元（又名土寿，鸡笠垌村十六世孙），李志伦（又名卓伦，鸡笠垌村十七世孙）等一行，前往东莞石龙寻根问祖。

我们一行中午从化州城出发，出发前李坚荣安排李振球（如兰村十六世孙，现在东莞市公安局工作）通过当地公安派出所同石龙镇西湖村李姓兄弟取得联系，并找到村委会委员李树标（以下称标叔）一起在村委会恭候我们。晚上六点半钟，我们到达东莞石龙镇西湖村委办公室，道明来意，标叔介绍：我村土地基本都已开发完了，部分李氏族人已搬走，现仅剩我们几兄弟之家，约几十人未搬迁。因为他的族谱在文革期间已被销毁，没有族谱，标叔只好拿来他的家谱与我们族谱校对，但无法证明他与我们同族。随后，标叔又请我们吃了晚饭，得到他的热情款待，第二天再引领我们去寻找。

第二天早上，在标叔的引领下，我们一行又到东莞石排镇塘尾村，热情好客的李

达谦等村委，得知有寻根兄弟到来，如贵宾入族，热情有礼，首先带我们参观其本族保护完好的旧居、祠堂，让我们感受到我们李族的伟大，随后拿来其族谱与我们族谱校对，证明大家都是陇西李族兄弟，但塘尾村祖宗为竹隐公，亦宋朝进士，从深圳搬到东莞，族谱也没有大卿公，与我祖宗从增城卜居茶园不符，因而可排除我族与塘尾村同出大卿公的关系，但我们确实被他们的热情所感动。李达谦又详细看我们族谱后，提议我们应到陆兰李屋村（原东莞县陆兰李屋村现改为博罗县园洲镇李屋村）再找。

下午两点左右，在李达谦等人带领下，我们一行又到博罗县园洲镇李屋村。由于事前没有联系有关人员，李达谦一边协助我们联系村主任，一边带我们参观李屋村祠堂，祠堂供奉的一世祖称南山祖（名叫李孝严）。村主任好不容易找到了，但他对情况不熟悉，出于李族兄弟之情，他们组织村委成员及对该村族谱较熟悉的人一起同我们开了一个座谈会，但该村所有族谱资料也在文革期间被全部烧毁，资料无法印证，该村一名对村族谱较熟悉的人说：我曾看过我本村的族谱，我村是直接来自韶关南雄珠玑巷迁来的，我村一世祖（南山祖）叫李孝严，不是李大卿，也没有大卿公。寻根至此，我们都心灰意冷，在失望之余，我们再仔细研读一下祖宗写的一句话：『今石龙陆家洲等处皆其裔也，公墓在茶园面前岭，黎孺人墓在两头塘』。李达谦又拿我们的族谱研究，

他提议我们应到陆家洲去找，而不应该到陆兰找。因而我们一行又辞别陆兰李屋村的兄弟，驱车赶往陆家洲。

下午二时许，在李达谦带领下，我们一行赶到横沥镇陆家洲，陆家洲又名六加洲、菴葭洲（其村新族谱记载也是这样），是因为当地读音一样的缘故。我们到陆家洲，车就停在该村祠堂门口，李达谦下车说明来意，祠堂管理员立即通知村干部及有关人员，村民得知有寻根兄弟到来，个个奔走相告，约二十分钟，副村长李颂文（二十六世）、掌握村族谱资料的退休老师李满钦（二十五世）及其他村干部、村讲话佬等十多人一涌而来，李满钦拿来现有族谱资料（大部分资料亦在文革期间烧毁）同我们族谱资料校对，其族谱记载的没有供奉一世祖，仅供奉了二世祖仁富公。李满钦说：我们太祖墓就在茶园及两头塘，但在世的人没有去拜祭过，不知具体位置。李满钦还说：你们族谱记载的陆家洲就是我们村，因为我们村是东莞唯一陆家洲，没有第二条陆家洲了。校对族谱资料后，村干部盛情请我们吃晚饭，席间我们之间都兄弟相称。晚饭后我们同李颂文、李满钦相约第二天到茶园面前岭，两头塘寻找祖坟的，但下雨无法成行，中午就直返回化州了。

通过这次寻根，使我们更清晰知道我族入粤始祖大卿公是江西吉水人，一世祖曰龙

公由东莞茶园迁往吴川竹山，后迁居现化州市良光镇茅山。笔者认为东莞石龙陆家洲等处李姓族人同我们是同族兄弟。由于资料不全，族谱对接不上，兄弟相亲不能相认，这就是我们本次寻根不能完满之处。虽然此行未能将大卿公至曰龙公十代祖先调查清楚，但为今后继续寻根提供了许多宝贵资料。致于仁富公与李大卿是何关系，李曰龙与仁富公又是何关系，又待进一步考究。在此，我倡议全族特别感谢东莞兄弟李树标和李达谦先生，李颂文（13802399552）、特别感谢同族兄弟李颂文（13802399552）、李满钦（18924371960）及其村委与族老。

笔者还认为一九八九年编注『原东莞县陆兰李屋村（现改为博罗县园洲镇李屋村）』有误，实际是陆家洲（现六加洲，茭葭洲）并非陆兰。

十五世孙 礼岳
十六世孙 坚荣 同撰

甲午年三月

陇西李氏世系记

李氏偃姓其初帝颛顼高阳氏有才子八人其六曰庭坚初封於雷泽舜擢为大司理造律执中封於皋是为皋陶因其生於曲阜故赐姓偃以其官於大理故子孙因氏为理商末有理徵为翼隶申吴伯以直道忤紂而死其妻契和氏携幼子利贞遁难伊候之圩理与李同音因转为李氏天下之李咸始於此并举其别族则皋陶之后有以姓为偃氏者或去人为偃或从偃女为偃氏者或从卩为郟氏者或从封为皋氏皋与咎同或为咎氏禹立将举皋陶以授政而皋陶卒於是毕封其子於英六其后失国为英氏为六氏至汉淮南王英布少时被黥又为黥氏皋陶之得封者别有舒子其族众盛有曰群舒曰龙舒曰舒六曰舒鮐曰舒庸其后失国皆以为氏或单作舒氏鮐氏六氏理徵之后有以名为徵氏理徵之孙遭难又去王为里氏里克仕晋为惠公所杀少子季连逃居相城又为相里氏李广封广武君后为广武氏其子李陵降胡其裔孙归魏见於丙殿赐为丙氏李房吹律定姓因为京氏宇文周变於夷改李弼为徒河氏若此虽受氏不同初皆出於偃姓大抵姓犹生也祖父之相生百世不改也氏犹家也因家而命氏所以别族也故继而言之为姓分而言之为氏姓与氏即源与流本与支之义也知此义者可以厚伦可以辨类历世虽远而婚姻不通古之制也若李氏族系著於世则利贞十世孙周有李乾娶益寿氏生老君名耳字伯阳以其聃耳又名老聃始生即

知其姓因指李树焉居楚苦县赖乡曲仁里尝为周藏室史所著有道德经行於世其曾孙则有汉之李昙生二子崇玠崇子孙居陇西玠子孙居赵郡自是分为二族崇五世孙仲翔生伯老伯老生尚生广为汉成纪令因居之后称为陇西成纪人晋时李特之子雄据成都国号成后汉改为汉历五主共四十七年其所出不可考广之后有李嵩据敦煌国号西凉称武昭王历三主共二十五年后至李渊平隋乱统一海宇国号唐历二十一主共二百八十九年皆陇西成纪令之后也天下之李遂咸宗陇西不复称赵郡至於人物可概称者列国在晋有离有调在魏有克有悝在赵有牧有商在秦有信有冰有斯在汉有当户有躬有郃有固有燮有鹰有蜀有严有恢有密在魏有冲在晋有谧在赵有阳有巨在后汉有国有骧有始有稚有瑒有演有嶷有奕有元魏有伏谦在唐有靖有义甫有邕有嵩有适之有阳冰有泌有繁有绛有淳风有元爽有白有藩有酈有吉甫有西筠有华有揆璉有光弼有勉有端有程有仁筠有频有晟有诉有珏有贺有愿有渤有涉有汉有商隐有绅有固言有德裕有石有儒在五代有象有溪有成在宋有廷洪有昉有宗谔有沆有公麟有公庚有荐有及有挺之有元亮有纲有宗之有浩有与龙有肖龙有康臣有昶有昂英有积忠有显忠有英有元方有春叟有公京有公爽有公奕有酈有彦仙有彦简有昌龄有晋卿然其族望不能尽同今不敢妄有所附惟我

太始祖大卿公者为陇西之后原籍江西吉安府宋进士任增城县知县卒於官子孙迁居於东莞

茶园（茶山）明季庄祖复迁於化州之茅山由宋历元而明代有显宦今自迁化以来子孙俱能以文学世其家科名绅士代不乏人亦可知世系源流之有自来矣后之人诚思族类之蕃衍则广恩博爱不可斲也诚思先德之流传则像贤济美不可忘也恩爱立可以言仁贤美昭可以言义仁义尽则子孙才而族大矣为子孙者可不勉哉

十世孙 恩进士特授兴宁教谕重华撰

人 粵 始 祖

太始祖大卿公江西吉水人也宋进士任粵增城知县明月一船清风两袖致仕后卜居东莞茶园（茶山）今石龙陆家洲等处皆其裔也 公墓在茶园（茶山）面前岭与居靖公同山元配黎孺人墓在两头塘俱附近子孙春秋致祭前经九世孙迴公重修碑碣存焉越十世我祖曰龙公值有明之季民尽呼庚士皆环甲乐郊思适爰偕祖母苏孺人与兰祖庄祖徙居吴川竹山既而祖携兰祖远往琼南我开基 庄祖与兰祖子克尽孝道竭力终养苏孺人於竹山日瘁乌哺夜图鸠聚舍一衣一食之谋为卜世卜年之计因叹竹山地湫土瘠之不可郁郁久居也於焉戴

星出入茧足山川日者於茅山之阳忻然有会曰后山轩昂如虎如狮前水环抱如带如笏怪石
关锁下流两峰圆峙左右灵秀勃勃扑人眉宇诚发祥区也爰聿来胥宇开籍化州申三一都三
甲源远流长根深叶茂谱帙昭然矣

附注：原『东莞县陆兰李屋村』现已改为『博罗县园洲镇李屋村』

陆家州（即园洲镇李屋村）

一九八九年注

陇西茅山族谱序

古者一本有亲九族有章五服有经亲疏有等异同有辨祀享有礼讲信修睦有文无他使之敦人
纪而笃宗族也族谱其大者也吾族 太始祖大卿公笃生宋代发祥江西以赐进士知粤增城县
事徙居东莞茶园（茶山）今六家洲石龙等处皆其支派所散布居处也越十世户口浩繁我曰龙
祖乐郊思适遂与 苏祖母携 兰庄二祖迁吴川竹山既而 龙祖携 兰祖往琼不返我庄祖
貽谋心殷阴阳相吉由吴迁化肇基茅山年亘二百世传十二或守或徙相离而居者数百里士农
商贾世习其业者数千人叶茂枝繁益信根深蒂固世德其未湮也倘族谱不修将见分支别派莫

溯共本同源异日 流失有骨肉而途人矣矫其弊而滥焉有途人而骨肉矣孙旗与孙秀合族李揆与辅国为亲乌能免乎昔先君朴斋公暨映中茂公纂修世谱迄今数十年其书虽存剥蚀实甚文字不完时多废省余乃参互考订拾遗补缺汇成一帙世系详焉亲疏昭焉品行贞节彰焉名氏庐墓备焉直举周官小史掌尊系姓礼记大传辨大宗小宗酒诰聪听祖考之彝训诸义统括无遗矣今而后览宗图而思先泽之绵长则孝敬愈挚观宗派而见后嗣之蕃庶则恩爱愈生其所以敦人纪而笃宗族者岂曰小补之哉

会试举人 赐国子监学正九世孙发璧薰沐敬撰

陇西茅山李氏谱序

夫谱何书也溯根源详分派陈宗图著行实表绅籍标居址载山坟别婚娶考真伪敦礼教也根源譬则水木之自也族氏譬则支派之分也宗图昭穆亲疏也行实先人矩矱也绅籍爵秩也居址宅里也坟陵邱封也婚娶配偶也真伪别族也礼教训行也十者备而后可以为全谱而余家谱未修者岂谓才藻乏人哉良由不知修不肯修因循日久世远遗忘支分派别人异地遥若复数十年小宗大宗寥荒迥几无端绪之可寻矣夫根源不溯始胡以明宗支弗详派胡以别昭穆弗陈宗族胡

联焉名实不著矩矱胡昭焉缙绅弗纪爵秩胡稽焉推之桑梓生敬不可不志居址过圩生哀不可不志坟陵起化有原不可不志婚姻非种必锄不可不严冒滥而扶纲常植伦纪者尤十事之大经大法也余为此惧随其阅历参考旧谱追遗补缺随汇而编之纪纲条目灿然而备录为全谱成为一族之大观首溯根源乃姓所由赐氏所由受表而出之斯谱有所肇端矣次详分派凡族所由分派所由别溯其本源达其支流多寡不一具而载之斯谱有所旁推矣由是录昭穆之亲疏厥有图焉凡不泥近不遗远不援高显不略微贱休戚相关出入相属联而合之以笃亲爱焉由是著其人之行实厥有传焉有诔焉有志铭焉凡优於文优於行及有才出众有节擅长或为高士或为女宗择而采之以示则效焉於是担爵者书之食禄者书之员列衣冠者亦济济并扬也自昔以来居址何限或守或徒书之毋相遗也坟陵何限或铭或志书之虑其荒也婚娶何限某妇某氏书之端其始也同气连枝毋容混杂故武襄不附狄梁千古重之崇韬谬尊郭令千古羞之严祛伪冒毅然无偏重一本也族属非董狐之任宗支非梲杭之书吹毛索瘢似非所宜然法家拂士每重家声必礼教严而后有风俗劝善惩恶灿然有章以垂宪也是谱也遗者辑湮者亲讹者正略者详继往有徵昭来有信合爱有恩合敬有礼追本有原诒燕有绪虽以之仁民以之爱物不外此推之矣子若孙尚慎勉旃

岁进士候补儒学训导九世孙圣式撰

重修陇西茅山族谱序

苏子曰吾观於谱孝弟之心以生谱之时义大矣其最者莫若正本源别宗派厘善恶以示劝徵数端不仅生娶卒葬纪载详明已也正本源上而溯之血脉流通精诚感格阅千百年如一日合千百人如一体则尊亲重而孝敬生矣别宗派远而推之指臂相联手足合爱母等至亲於路人毋视骨肉如秦越则亲疏辨而雍睦挚矣厘善恶以示劝惩后而裕之若者当法若者当戒高曾之矩矱咸遵前哲之家声惧玷则法祖之心炽而戾俗之习消矣之三者非谱所最要而修之所当重欤吾族之谱自乾隆壬子国子监学正拙斋公岁贡育斋公重修以来凡七十余载不惟族人散失渐至难稽亦且老成芳徽久将湮没何能对先灵而无惭垂奕祀而无愧乎戊辰春茂才蔚南殷然以修谱请商诸绅耆僉以此事相催速爰按旧谱之定例汇众稿以调丹臚全存没匹偶表核名节优行搜录传记诔铭采备庐墓迁徙本源正焉不敢谬附宗派别焉不敢滥收善恶公焉不敢党同劝惩昭焉不敢隐讳考校维严点易维严兢兢焉求当前贤作谱之良法寿梨梓以昭来兹夫修谱以垂后貽谋巨典也遗言训勉冀望深心也惟愿子姓屏浮夸务诚恣以稼穡树艺厚其生以书诗礼让化其质以孝弟廉节植其品敦尔伦纪和尔宗族食尔旧德服尔先畴守尔常分勤尔职业戒尔韬淫禁尔邪辟父兄群相诏勉子弟共切率由行见人心以正风俗以厚善气蒸为吉祥有不生齿蕃昌丰

裕曰登文风骏骏日上也哉至蔚南等共事不辍例得并弁诸简端云

十一世孙 岁贡生双月选用洲导廷椿薰沐拜撰

续修陇西茅山李氏谱序

水有源，树有根，古时氏族图谱，官与家皆有之。盖家谱之设，别尊卑，长幼序，辨亲疏，使之不紊，且于支分派别后，尤得溯其本之同出一源也。

我氏族谱始修于朴斋公，成卷于发璧公，后经廷椿公再续，迄今已花甲重开，又越两个春秋（一百二十二年）矣。由于岁月蹉跎，时局沧桑，旧谱虽存，剥蚀实甚，残缺不全，难以稽查；况先龄日繁，支派日多，迁徙日散，今若不续辑，恐年湮世远，文献无徵，将何以承先后！民国期间欲修谱，由于种种原因未就而中辍。去年（一九八八年）春祭之期，族父老咸集，皆以谱未成而忧，并提议于一九八九年进行重修，使之前有所稽，后有所鉴，对于激励今人，启发后代都有重要意义。故此修谱者依此行事，以满足族老、裔孙的欲望矣。

吾：太始祖大卿公江西吉水人也，宋进士任粤增城知县，明月一船，清风两袖。致仕后，卜居东莞茶园，今石龙陆家洲等处皆其裔也。公墓在茶园面前岭与居靖公同山，元配黎孺人墓在两头塘俱附近。子孙春秋致祭。前经九世孙迴公重修碑碣存焉。越十世。

我祖曰龙公值有明之季民尽呼庚士皆环甲乐郊思适，爰偕祖母苏孺人与兰祖庄祖徙居吴川竹山（原竹山旧居、山岭于一九八三年交新定、下坡两村兄弟代管），既而祖携兰祖往琼南，我开基。庄祖与兰祖子克尽孝道，竭力终养苏孺人于竹山。日瘁乌哺，夜图鸠聚舍一衣一食之谋，为卜世卜年之计，因叹竹山地湫土瘠之不可郁郁久居也。遂由吴迁化肇基茅山。

茅山地处广东三县一市（即化州、吴川、廉江三县和湛江市）交界，山青水秀，背山面水，小河绕村前而过，村后高山耸立，地势似虎如龙。交通方便，四通连八达，真是祖国锦绣河山南端的一块好地方。

我祖迁居茅山后，宋历元、明、清皆有显宦；民国时期，大学至出国留学亦大有人材，部队军校、团部参谋、团长等也代代有人。中华人民共和国成立（公元一九四九年）后，县、市、省级直至中央同样有参事人员，大、中专毕业生年年倍增，正可为英才辈出。

一九六五年村前建有渡水槽一条，由东至西长达五华里，解决了历史以来旱患之忧，

粮食年年有馀，生活天天改善。一九七九年，人民政府又为本村（和我族很多村庄）送来了电。一改过去的茅屋、泥砖屋为火砖屋或楼房，家家户户有电视机、高级音响、电风扇等电器。夜晚，全村电灯通明，俨如白昼。

一九八四年，由众孙集资建了自来水塔一座（长山坡、鸡笠垌、瓮埗、碑头等村也一样），把水引至各家各户，既节省劳力，又饮上卫生水。

旧时，村前小河，每逢夏天洪水泛滥，东西难渡，妨碍耕作和学生上学。一九八零年，我裔孙在茅山学校门前建了一座大桥，一年四季畅通无阻，大小车辆，经常来往，非常方便。村面前大岭坡工厂林立：有碾米厂、锯木厂、棉纺厂、造纸厂、轻工设备厂、炮竹厂、砖瓦厂、商店等等。所有这些古往今来，都是人们在共产党领导之下，解放了生产力、征服自然，创造了文明和谐的村庄与伟大业绩，这是历史上光辉的一页，理当载入我族史册，彰往昭来，发扬光大。

愿我族子孙，在伟大的征途中，锐意进取，团结奋进，创造更大功绩，载入新的史册。

十五世孙 辉云

十六世孙 香墀振合撰

承修陇西茅山李氏族谱序

盛世修谱，谱载盛世，《续修陇西茅山李氏族谱》历经一载。在户口浩如烟海，卷帙纷繁中，三易其稿，终于付梓。此乃本族昭前彰后，继往开来的历史巨典，亦是精神文明建设的丰硕成果。编委由锡才、焕晃正副主任主持，借此，谨向编纂本族谱渗透心血、辛勤笔耕的全体人员致以由衷的谢意。

国不可无史，地方不可无志，家族不可无谱，史可贞古今，志可明衍变，谱则可辨宗支、考世系、昭亲睦、别长幼、生娶卒葬详明、溯本源。凡修族谱，旨在弘扬族风，继传家训，承先人之优良传统，励后人奋发之志气。饮水不忘源泉望木而思根本，族有谱，犹如水之清源不断，木之根本不失。

考李姓原出自理，据《姓纂》记载，李氏是颛顼高阳氏的直系后裔。颛顼生大业，大业生女华，到了女华的儿子咎繇当了尧帝的理宦，专掌狱讼推断之事，当时社会上盛行着以官为姓，于是咎繇也不能免俗地以理为姓，理姓传到了殷代暴君纣王的时候，理徵为翼隶申吴伯以直道忤纣而死，其妻契和氏携幼子利贞避难偃候废墟，废墟中无以为食，以李树果实充饥而保住性命，为表示感谢之意，理与李同音，因而转为李氏。

到北魏和唐朝时期，许多其他姓氏也因功被皇帝赐姓而改姓李，李姓在日益庞大之后，

大体分两大支系：一支在陇西（今甘肃省），一支在赵郡（今河北省），建立唐朝的李渊之家人，是来自陇西。盛唐之后本支日繁，一共有三十九房；赵郡的那一支，又分东南西三个组，族人之多，在河北一带人数多过当地望族张、王、刘、赵诸姓。

也许是族大人众的缘故，李氏在历史上的名人多得数不胜数；从著道德经的李耳开始，到早期的抵抗匈奴名将李牧；在四川凿都江堰以灌溉诸郡的水利工程学鼻祖李冰，汉代名将李广，以及一篇《陈情表》迄今仍脍炙人口的晋朝太子洗马李密等，都是人人耳熟能详的杰出历史人物。

到唐朝，是历史上声威最为远播的一个朝代，对外则四夷来贡，唐太宗被四夷称为天可汗。对内则政治修明，文教发扬，人民安居乐业，贞观、开元之治名垂史册，象这样一个具有辉煌功绩的政府，正是由姓李的人主持的，这岂不是李氏的共同殊荣？吾太始祖大乡公生于宋代，发祥江西吉水赐进士。明月一船，两袖清风在粤任增城知县。致仕后徙居东莞茶园（今六家洲石龙等处皆有其后裔），公墓在茶园，面前岭与居靖公同山，元配黎孺人墓，在两头塘坝附近，子孙春秋致祭。前经九世孙迴公重修碑碣存焉，越十世。

吾祖曰龙公值有明之季民尽呼庚士皆环甲乐郊思适，爰偕祖母苏孺人与兰祖、庄祖徙居吴川竹山，而龙祖携兰祖往琼南不返，庄祖与兰祖二子克尽孝道，竭力终养苏孺人于竹山，日瘁乌哺，夜图鸠聚舍，因竹山土地瘦瘠，难谋一衣一食，不可郁郁久居，为卜世卜年之计，故由吴迁化肇基茅山。

茅山后山轩昂，如虎如龙，前水环抱，水绕山横，怪石关锁下流，两峰圆石相对，互相辉映，左右灵秀，勃勃扑人，瑞成发祥之区。

吾祖迁居茅山，历经明、清数代。历史悠久，源远流长。山水钟灵，人文郁盛。数百年来，历史沧桑，朝代更迭，物换星移涌现出多少叱咤风云的历史人物，留传千古的宏伟业绩。

回顾历史，在旧社会，由于受三座大山的沉重压迫，百业凋零，民生涂炭，子孙终岁辛劳而食不裹腹，衣不蔽体。解放后，特别在体制改革以来，我族子孙团结一致，艰苦创业，以主人翁姿态，改天换地，振兴百业。放眼全族，万顷良田生机盎然，百里林果郁郁葱葱；轻工设备厂、砖瓦厂、加工厂星罗棋布，水利沟渠纵横交错，自来水管密如蛛网；一条条水泥硬底化道路蜿蜒伸展，扣开了我族的致富之门，一幢幢农家新楼房整洁宽敞，翘首我族教学事业蓬勃发展，教学大楼平地矗立，茅山大桥东西飞架，把河东河西连为一体，好一派生机勃勃的动人景象。这是我族子孙勤奋创业的辉煌成果。

正当族谱会梓之际，可谓感慨万千，参天大树，必有其根；怀山之水，必有其源。为族之更兴，进之有力，不忘本源，团结凝聚，值此修谱之际，惶惶落笔，抚今追古，万千心声，谱于言表，殷鉴不远，卧薪尝胆，醇厚家风世代相传，祖先功德谨记毋忘，书之为序。

十七世 孙严锋 撰

公元二〇一三 仲秋

乾隆五十七年岁次壬子仲夏谷旦

七世孙 勲修职郎 惠章

八世孙 迪功郎 茂 同纂修

八世孙 修职郎 芳泽

九世孙 赐举人发璧 岁贡生圣式 续修监定

九世孙 监元 庠冠英

十世孙 庠向荣 廩重华

九世孙 监拭国 庠安邦 庠定邦 庠东

十世孙 增文杰 庠珍 庠材 庠镇山 庠廷珠 庠扬鏢 庠文徵

庠高标 庠文锡 以上同校正

同治十二年岁次癸酉仲春谷旦续修

十一世孙 岁贡双月训导廷椿总修监定

十二世孙 增生蔚南总修校正

十二世孙 庠莘农 附贡蓉芳 增莘垣

十三世孙 增昌期 增焕东 增貽梅 以上分纂校正

十一世孙 监翰芳 监参嵩 同知作人 职焕川 监书渊 监郁文 中书书华 监彬华

监宜川 监翰元 监书香 监彬华

十二世孙 监国珍 监锡琼 监泰春 监植南 监文园 监芳园 布经锡畴 监锡龙

庠绍棠 监屏南 监应南 增萃元 监锡福 监国彦

监锡禧 监锡凤 监日升 监时菁 监莘霖

十三世孙 监癸瀛 监登庸 监文元 监沛芝 监卓相 廩貽庆 增昌辉

监沛赞 庠占瀛 以上同校正

庠祥元

公元一九八九年（己巳）仲冬谷旦续修

筹备委员会

主任

十六世孙 德隆

副主任

十五世孙 焕晃

十六世孙 全荣

编辑抄写员

十四世孙 崇譔

十六世孙 增锡 飞龙 全荣

十七世孙 鸿明

材料员

十四世孙 崇照 泰章 裕瑞 福伟 其芬

十五世孙 炽昌 焕晃 兰茂 明亮 贤信 扬兴 永成 永志 永贵 永书 德光

富文 华元 有元 教恩 树材 树梅 茂铨 永泰 耀华

十六世孙 飞龙 玉墀 志聪 泽基 远东 熙文 寿钧 仁流 福恒 正锐

十七世孙 镇盛 兴祥 鸿明

十八世孙 春光

校对员

十四世孙 崇諲

十六世孙 增锡 飞龙 全荣

十七世孙 鸿明

总校正

十六世孙 笔锋

监督印刷装订

十六世孙 笔锋

公元二零一三年（癸巳）仲冬承修筹备委员会

主任：

十七世孙锡才

副主任：

十五世孙焕晃

十六世孙熙贵

十七世孙铸新 日安

会计：

十六世孙庆元

出纳：

十六世孙坚辉

总编辑校对员：

十五世孙焕晃、培钦

十七世孙 起华

材料抄写员：

十四世孙亦富、恒东（田寮）

十五世孙教恩、培钦、明亮、尚武、兰栋、伟宏、建华、焕彪、焕晃、奎华、焜祺、

焜福、礼新、炜明、振洲、树其、富文、贤伟、若权、钦元、德光、英伟

十六世孙剑锋、建池、熙贵、洪贵、仁流、全荣、茂新、正波、正达、正任、正栋、

世标、全德、恒东（麻球）、卓文、文标、坚隆、坚信、城富、增吕、富楷、

振基、文珍、飞龙、李培 恒东（蛤蚧塘村）

十七世孙汉彪、起华、振坤

监督印刷装订：

十五世孙焕晃、培钦 焜祺

茅山李氏谱续修记

我族谱始自朴斋公纂修至今（朴斋公至拙斋公续修数十年，又至廷椿公再续凡七十餘载，直至现在一九八九年）已经数百年了。而今我们（包括编辑抄写员、材料员和村长领导等，共四十三人）在族众的要求和鼎力支持以及族老公叔的指点下，经过六个多月（从公元一九八九年四月廿三至十月廿九日，即农历己巳年三月十八至十月初一日完稿，共六个月零五日）的艰苦努力，克服重重困难，第四次续修重印的《广东省化州茅山李氏族谱》终于与众见面了。在此我们向族老公叔致以衷心的感谢！同时，我们能有这样的机会和完成了这一重任也感到无限宽慰。这次续修能顺利进行，除了前辈的指点外，我们还大胆机动地采用了『革故鼎新』的办法来完成的。这样既能完整我族的历史，不受旧谱例的限制，又能适合当前我族裔孙的口味及心愿。

但是，由于我们的水平有限，又加上时间十分仓促，譬如上次廷椿公等四十七人续修时用了六年时间——从同治戊辰（七）年至同治癸酉（十二）年，而我们只用了六个月编写人力少（三人），上次续修距今的时间又长，即上次至这次续修共达一百一十六年，也不了解这段历史的情况，有不少没有入谱已故的人，如对有些支派已止或其他一些已故

的人，以及民间流传的佳人逸事都未能一一查清列载谱上，所以不免有错漏的地方，我们深感遗憾！这点敬请族老叔兄弟们多为谅解，并予指教！

另外，我们建议以后凡至五十年应将我族谱续修一次（未婚女子也连同载入）以使我族尊卑能以溯其本之一源，承先启后，彰往昭来，发扬光大。

十六世孙 辑写增锡撰

公元一九八九年（己巳）仲冬

癸巳续修谱记

盛世修谱谱载盛世，在卷帙纷繁中，几易其稿，此乃是本族昭前彰后，继往开来的历史巨著。在户口浩如烟海，社会发展极快的时刻，急需一套完善的文献流芳百世。在族众的强烈要求和鼎力支持及族老叔公的热心指导下，现在我们（包括材料搜集抄写员、编辑

校对员及村领导班子共五十七人）经过近一年的时间（从癸巳四月开始至甲午清明）完稿的艰苦努力，克服重重困难，几经周折终于付梓与众见面了。在此，我们向族老叔公和各领导及兄弟致以衷心的感谢。

这次续修族谱采用吐故纳新、承前启后的办法除承接旧谱的优点方法外，从十三世起再分房，再根据二十多年来的变化把人物的逸事列入谱中，增加了个人的学历、职业、职位，这样既是一部族史，又是个人的简历，适合时代发展要求和个人的口味。

但是由于我们的水平有限，内容繁多，外出人员多，李氏村庄分布广，加上来稿不断更改，再则编写的数量多（旧谱六千多人，新谱一万多人）共两千多本，再则时间仓促，校对人员少（两人），难免有错漏的地方，敬请族老叔公及兄弟多加谅解，并予指教。

一世先父尸骨何处几易修谱无以记载；患难兄弟只闻其声不见其影设法寻查。
英名不整文上不载榜上无名难以弘扬；敬告后人重修族谱记载齐全留芳世传。

甲午清明撰

避祖讳论

礼云入门问讳孟子云讳名不讳姓讳者所以尊 先人而知所敬避也

朝廷於大臣告终即命翰林院议谥以易其名而讳之荣谥一赐凡远近亲疏俱称其谥如梁公储则称梁文康海公瑞则称海忠介是也又有称其勋爵官衔者如宿国麦公都堂鲁公是也他如无官无谥即称其号如黎公贞即曰黎秣坡张公拗则曰张象山一代名士硕彦即异姓别族犹不敢谥言其名况子孙乎今庄祖霖祖冲祖振祖俱以字称前人相沿一遵敬避迩来各房近祖祠主多有书谥者於制既有所不合易谥而书字书号可也至无字无号不得不书名然捧祝而朗诵先祖之名於心忍乎否耶马伏波云父母之名耳可得闻口不可得而言此物此志也愚钝之流既有所不知至文墨之士亦复随波逐流而罔知忌讳则学识空疏之不能辞其咎也今当於各主名下原有谥者易谥为字则於制无碍而子孙亦不致出口犯讳亦敬 祖之意也谨著而论之以诏将来免贻讥於大雅堂

十世孙 恩进士特授嘉庆兴宁学教谕重华撰

（本文应置于《入粤始祖》之下）

李氏族谱例

一谱者祖宗之纪犹国之乘也族属所统支派所聚注载详明一开卷而知亲疏长幼血脉所流通至非祖宗血脉者不得滥列谱牒以清吾族本源也

一谱依欧阳氏式五世为一图而五世之子孙各自为一图至九世抬头支派攸分井然有别其所抬头者叠上一世如藕断丝连联络不绝取一本联属之义其生娶卒葬功名事业懿德美行详注本人名下寓目於纲以便考览

一谱甲之子定在甲位乙之子定在乙位以父论不以年论论父必论嫡庶庶子虽长不得承嫡之裔无嫡长则以嫡当之庶长仍列於次嫡之次微子虽兄且贤不得先紂此大经大法所在不容苟也若无嫡子方许承嫡之裔其餘众嫡与众庶序齿为位是无嫡庶之例

一谱宗子之位百世当尊可绝支不可绝宗重大宗也若宗子或绝理应以长继长以承宗子之裔又或宗子迁於远地久而不归者以次长承宗子之桃此乃通礼之权情理各当也

一谱有绝理应取继以承宗桃盖天论大义不可绝於人心当择应继之子入继使血脉不至失传观谱内间有绝者亦委於无可如何矣其后宜深知不可忍而安心也

一谱无后取继理也若本族之人昭穆不顺固不可继而养同性之子昭穆不知亦不可入继

盖昭穆不序宗支紊乱反不若鸿雁微物犹不乱行也可以人而不如鸟乎

一谱之嗣有权养异同姓之子为后者识见浅陋犯礼实甚血脉不通固无格祖即昭穆又何为伦所有其本人及其子孙理应还其原族毋得系牵谱内以杜乱宗之患也

一谱继子固以应继为论若无后之本人现存不取应继而择继为后其事已成者曰后应继之子不得於所后之亲哓哓争继律载彰彰也而孟氏亦云不顺乎亲不可以为子

一谱有一子双承实出不得已近日大家间有行者祖同胞两兄弟一子而言若有多子多兄弟及非同胞者毋容监列妨弊端也其双承之孙亟宜两分清

一谱年分六十以上书寿重高年也未及六十以下者书年未娶而死者照家礼年数分别上中下殇书之娶而无后无继者印止此书谱之定例也

一谱有迁近住者书之迁於远地者必询其傍亲查确某处而书之倘曰后子孙有归宗寻源得知其所自来即不归宗而吾族人等抵伊家而访同宗支者亦得以联一脉於不灭云

一谱有氏失夫而嫁人者止书氏适削其姓不书盖氏不从一而终失节嫁人理应不录既不为父也妻焉得为子也母

一谱母嫁不得入祠礼云母嫁庙绝是也盖氏不念前夫而嫁他人则尔父仇也焉得同父配祭若携夫之子扶养婚配其后无所归而归前夫之子家死终者葬服是其情入庙非其理

一谱族内有贞节烈节可风合

部文

旌表例者合族须出结联呈报 官申详

上宪入奏请

旨竖坊风世若有三十岁以上而孀居守节虽不合部例嘉贞而松筠节操壶范可钦者亦注明谱奖扬毋得欺假滥称重妇德也

一谱子孙有散处异地其生娶卒葬难得详备姑书其世次名字空阙其位下俟其本人归日道确采补

一谱子孙完娶载谱礼也虽未娶而记谱期伊成人亦仁也若未至八岁之童考礼尚未加服止附记其名与年庚俟后续修者增补其娶氏

一谱祖庙乃神灵所依贵乎肃静子孙所瞻贵乎恭敬祭祀之外惟冠婚寿筵科登仕宦讲礼清算祠事得入其内馀事不许方便混晓冒渎神明

一谱宗祠栋宇百世不易祖宗凭依所关非小也民风雨雨损坏实为后世子孙忧为公理祠典者务宜预积尝钱估计量度修整支用毫厘秉公报闻族正清算虚支肥己者仍追出众供祭

一谱祭祀编列礼生首以有顶载者为之其次以习熟仪注者为之毋致临事失规自貽伊戚

一谱宗祠之祭高曾祖考在焉万分紧公务及有疾病不能与祭者方免倘有好逸游乐托故不与祭者此玩视宗祖罪莫大焉各宜自省

一谱祭祖尝闻衣服不备不敢以祭子孙衣冠务宜整齐贫者亦宜洁净常服毋得因贫而弃祭若有孝服子孙不当着来与祭考礼易以默哀

一谱祭祖俱宜诚肃祖宗血脉子孙感通方临歆格毋喧哗毋跛倚毋嘻笑毋乱班俨如祖宗在上质旁特使冥顽有所观感则幼稚者亦可渐知礼义焉

一谱子孙淫行乱伦甚可恶也人等牛马大败家风不许入祠仍於其本人坐位书儿子不书其名注违训削三字惩戒永逐不收以端风化其犯妇逐亦同之

一谱凡妻妾必据实确书盖其子虽无上下之分其母实有嫡庶之别不可不辨以庶母不可乱嫡故也考礼庶母婢母不得入祠其子当祀之私室若有妇德並夫与子受封诰者不在此例

一谱祖孙有善行者褒之有匪行者削之有拖款祀钱数积难算者扣之盖一以端俗习一以崇祀典也

一谱族内凡有窝匪聚党鼠窃狗偷肆行无忌者当祠内重责令彼改过自新如有不服鸣官究治祠碑凿不可愾哉

一谱内无人继后主灭墓荒者不许入祠盖既无后以祭人亦安肯为其后报以祭乎

一谱祠内入主至五世亲 若五世外有名望为功族内者大小宗祠准以公举配享其馀惟恩拔副岁优贡廩贡武举以上文武封典文员双日选用建坊旌表寿百龄及袭荫重游泮水钦赏花篮翎者俱得进主入祠若武员五品以上归标效用以下惟现任之千总把总者亦同进主

一谱其人尚存者间录其实事其德行品望概俟后补盖棺论定乃确也节妇同

一谱刊行后各房存刻本日 后有犯例应削者各房谱散难以悉注总以宗祠一本注据无得以各谱未注籍

一谱内有父兄不约子弟习染匪类饮酒行凶或伤毙愈对或殴亲陷害者用尝钱攻击鸣官究治毋致滋祸累族

一谱内有品行背戾诡计唆陷并属案匪者虽分尊年长不得议族事盖未有已不正而能正人者也

一谱内凡各世祖有蒸尝祭田者准其详载土 名丘段使日后子孙有所凭据稽查一以防外人侵占一以为子孙世守供祭之至意也

李氏祭礼仪注

通 鼓手起播 一通 二通 三通

序立 司事者各执其事 主祭就位 主祭以下各就位 进毛血 参神跪 凡两跪六叩

首 降神

引 诣盥洗所 盥洗 诣酒樽所 司樽者举幕酌酒 诣香案前 跪 上香 酌酒 灌酒

三叩首 兴 复位

通 行初献礼 引 诣太始祖考妣神位前 跪 献帛 酌酒 祭酒 献酒 叩首 兴 复位

通 行分献礼 引 诣东配祖考妣神位前 跪 献帛 酌酒 祭酒 献酒 叩首 兴 诣位

配祖考妣神位前 跪 献帛 酌酒 祭酒 献酒 叩首 兴 复位

诣读祝位 跪 众孙皆跪 司祝者就位 跪

读祝文 三叩首 兴 复位

行亚献礼 如同前初献礼 复位

惟无献帛耳

行三献礼 如同亚献礼 复位

侑食 引 诣太祖考妣神位前 酌酒 诣东配祖考妣神位前 酌酒 诣西配祖考妣神位前

酌酒 复位 通 合门 主人以下皆出 奏乐 乐阕 通 祝噫歆 启门 各复位 饮福受胙

引 诣饮福受胙位 跪 通 嘏辞者就位 嘏辞曰祖考命工祝承致多福无疆於汝孝孙賚汝孝孙

使汝受祿於天宜稼於田眉寿永年子子子孙孙勿替引之 通 受酒受胙 三叩首 兴 复位 通

告利成 祝 利成 通 主祭者序立陪祭者皆跪 三叩首 兴 引 复位 通 辞神 二危六叩

兴 焚祝帛 望燎 引 诣望燎所奠茶酒 复位 通引 曰礼毕

大宗榜文式

万物肇本於一阳庆典独隆乎长至百族原生於始祖祀事特重乎严冬物惟以备雪飘俎豆以芬
芳心惟以虔梅衬冠裳而灿烂恪恭将事仰对
式临须至榜者

计开

主祭 通赞 引赞 纠仪 嘏辞 祝意歆 监宰 陈器 启门 进毛血 合门 读祝
进饌 司爵帛 司樽 拂拭 饮福受胙

右榜通知

龙飞光绪 年 仲 春 谷旦 榜
秋

李氏家训

奉公守法，爱国敬业，奋发进取，亲贤者远小人，重礼义，讲诚信，重视道德修养，严肃情操品性，扶政斥邪恶，爱憎分明，刻苦求知长才干以为立业，增智慧从而济世。

富学问扶助众人，艰苦创业，勤俭持家，贫贱不移心智，富不忘济贫。孝敬老人、严教子孙，尊老爱幼，亲穆存心，念念不忘吾之先祖，时时鼓励善良精神，既无愧祖先，无愧于国、无愧于民！

十七世孙 严锋作

癸巳仲冬

小宗榜文式

四世貽謀特隆，廟貌八房，食報同荐，溪毛酒既清肴，既馨物惟以備迎，以來送以往，心惟以虔。謹爾趨踰，戒爾跛踣，慎爾灌猷，肅爾班聯，俾毋隕越，仰对。

式臨須至榜者

又榜文式

追远报本礼制特重，乎仲春秋设豆陈筵，祀事聿修，乎时祭物惟以备心，惟以虔。謹爾趨踰，戒爾跛

踣，俾毋隕越，仰对。

式臨須至榜者

新建合水祠堂记

君子之营室室也，宗庙为先，宗庙者祖宗神灵之所以妥侑，而仁人孝子之所以大追远而展孝思也。伏读

圣祖仁皇帝

上谕广训万言有曰立宗庙以荐蒸尝凡为子孙者孰不天良感发而切木本水源之思耶昔我先曾祖安义公暨德新公等上念 祖德宗功妥侑无所爰於茅山村左建立宗祠上奉太祖左右兼配群宗甚盛典也世代久远人众地狭庙前屋翼参差撑射既非所以壮观瞻左旁一带环以不洁之屋秽杂实甚入庙者掩鼻而过之此岂足以妥神栖耶百馀年来浸寻颓废更造再次叠见咎徵根本既坏枝叶随之矣因就合水近乡购得胜地一所前后襟带双流砂环水绕奇峰拱立秀灵独钟是天特辟一发祥之区以光祖宗之德而衍其泽於无穷也庙后馀地为他人所有求尺寸而不得且徐而俟之今因现在之地择吉鳩工规模草创制度未为大备然乃柱乃梁乃垣乃基为内 堂为外堂屹然耸峙远而望之气象未尝不雄且杰也是役也九世孙钟两重熙十世孙廷椿共效其劳经始於道光丁亥年七月二十五日以十一月中旬告竣十二月朔奉主入祠暨群昭群穆秩然有叙而不失其伦焉由是妥神灵而凭依有地隆裡祀而荐享有时令世世子孙奉为万年不迁之庙百代不拔之基亦无不可吾知太祖在上当必色然喜辘然笑而乐观宗庙之有成也若更由此扩而大之益拓其基址增其栋宇内而寢室中而中堂外而门屏此宗庙之大观也而非今日之所能也是有望於后之子孙

附注：

我氏大宗祠堂，建落川吴塘堰公社（塘堰圩附近）合水村边西北，坐东北向西南。建筑高大宏伟，有上中下三座成一体，开设三门，红砖瓦木结构，建筑面积三百五十平方米，门前下有片空地至田边为界，总面积为六百五十平方米。谱中有载：世世子孙奉为万年不迁之庙，百代不拔之基。然而，这宏伟的，李氏大宗祠已于公元一九五五年被破毁，仅剩下一片空地存在，望吾众孙，新作主意。

奉^①

天承运

皇帝制曰宣猷服采中朝抒报最之忱锡类殊恩休命示酬庸之典尔李钟馀乃中书科中书衔李作人之父令德践修义方夙著诗书启后用彰式谷之风弓冶传家克作教忠之则兹以覃恩赠尔为徵仕郎锡之敕命於戏笃生杞梓之材功归庭训丕焕丝纶之色光曜泉台

制曰台教凝祥推嘉猷於朝宁国常布惠播麻命於庭闈尔余氏乃中书科中书衔李作人之母勤

慎宜家贤明训后相夫以顺含内美於珩璜鞠子有成树良材於楨干兹以覃恩封尔为孺人於
戏昭兹令善之声荣施勿替食尔劬劳之报庆典攸隆

中书科中书衔

同治叁年柒月拾玖日

李作人之父母

注：在“奉”下附上①、②、③……是便于编目录，至下同，余事勿误

奉^②

天承运

皇帝制曰委质策名资敬有作忠之义推恩逮下勋荣敷锡类之施尔李钟馥乃捐职翰林院待诏
李作人之父善足开先谋能裕后衍弓裘之世业令绪相承表勤俭之家风义方夙著兹以尔子

遵例急公賤贈尔为登仕郎锡之敕命於戏殊恩特沛用彰孝治於班联庆典新膺式表幽光於泉壤
制曰百职凜在公之义懋著臣劳九重崇教孝之模式彰母德尔余氏乃捐职翰林院待诏李作人之母
相夫以顺育子维勤丙夜鸣机克著中闺之范北堂画荻用成哲嗣之名兹以尔子遵例急公賤封尔
为九品孺人於戏賁宠锡於黜衡新承渥典沛恩纶於彤管益播方声

捐职翰林院待诏

咸丰陆年拾月三十拾日

李作人之父母

奉^③

天承运

皇帝制曰宠渥朝章锡类不遗於一命祥开家庆賙恩爰及夫重闈尔李发琼乃中书科中书衔李作人之祖父弓裘衍泽瓜瓞绵麻作述相承再世式彰其祖武渊源有自一经早裕夫孙谋兹以覃恩賙贈尔为徵仕郎锡之敕命於戏旧德维昭用广显扬之志新纶特贲允增泉壤之光

制曰礼由义起宏孝治於中闺命自天申賁荣施於大母尔^翟氏乃中书科中书衔李作人之祖母德懋兰仪光生槐里珩璜作则式垂淑慎之型苻藻流芬丕振光昌之绪兹以覃恩賙曾尔为孺人於戏鸾书焕采彤史以扬休象服增辉荷云章而锡庆

中书科中书衔

同治三年柒月拾玖日

李作人之祖父母

奉^④

天承运

皇帝制曰宠渥朝章锡类不遗於一命祥开家庆賙恩爰及夫重闈尔李焕南乃中书科中书衔李书华之祖父 弓裘衍泽瓜瓞绵麻作述相承再世式彰其祖武渊源有自一经早裕夫孙谋兹以覃恩賙赠尔为徵仕郎锡之敕命於戏旧德维昭用广显扬之志新纶特賚允增泉壤之光

制曰礼由义起宏孝治於中闈命自天申賚荣施於大母尔叶氏乃中书科中书衔李书华之祖母德懋兰仪光生槐里珩璜作则式垂淑慎之型荇藻流芬丕振光昌之绪兹以覃恩賙曾尔为孺人於戏鸾书焕采合彤史以扬休象服增辉荷云章而锡庆

同治陆年拾月初捌日

天承运 奉^⑤

皇帝制曰宣猷服采中朝抒报最之忱锡类殊恩休命示酬庸之典尔李培机乃中书科中书衔李书华之父令德践修义方夙著诗书启后用彰式谷之风弓冶传家克作教忠之则兹以覃恩赠尔为徵仕郎锡之敕命於戏笃生杞梓之材功归庭训丕焕丝纶之色荣播天章

制曰壶教凝祥懋嘉猷於朝宁国常有惠播麻命於庭闈尔黄氏乃中书科中书衔李书华之母勤慎宜家贤明训后相夫以顺含内美於珩璜鞠子有成树良材於楨干兹以覃恩封尔为孺人於戏昭兹令善之声荣施勿替食尔劬劳之报庆典攸隆

同治陆年拾月初捌日

天承运 奉^⑥

皇帝制曰锡类推恩朝庭之大典奉公效职臣子之常经尔按察司经历职衔李屏南赋质纯良持身恪谨既服官而奏绩行报国以抒诚襄事维勤新纶宜贲兹以覃恩授尔为文林郎锡之敕命於戏宏敷章服之荣用励靖共之谊钦兹宠命懋乃建猷

制曰恪共奉职良臣既殫厥心贞顺宜家淑女爰从其贵尔按察司经历职衔李屏南之妻陈氏含章协德令仪夙著於闺闼黽勉同心内治相成於夙夜兹以覃恩封尔为孺人於戏龙章载焕用褒敬戒之勤翟芾钦承益励柔嘉之则

光 绪 三 年 三 月 二 十 九 日

奉^⑦

天承运

皇帝制曰资父事君臣子笃匪躬之谊作忠以孝国家宏锡类之恩尔李翰藻乃按察司经历职衔李屏南之父善积於身祥开厥后教子著义方之训传家裕堂构之遗兹以覃恩赠尔为文林郎锡之敕命於戏殊荣必逮於所亲宠命用光夫有子钦承优渥长^皆忠勤

制曰奉职在公嘉教劳之有自推恩将母宜锡典之攸隆尔林氏乃按察司经历职衔李屏南之母壶范宜家凡协承筐之媚母仪貽谷载昭画荻之芳兹以覃恩封尔为孺人於戏彰淑德於不瑕式荣象服膺宠命之有赫益^賁徽音

光 緒 三 年 七 月 二 十 九 日

奉^⑧

天承运

皇帝制曰考绩报循良之最用奖臣劳推恩溯积累之遗载扬祖泽尔李峰川乃按察司经历銜李沛芝祖父锡光有庆树德务滋嗣清白之芳声泽流再世衍弓裘之令绪佑笃一堂兹以覃恩**赠**尔为文林郎锡之敕命於戏幸修念祖膺茂典而益励新猷有谷贻孙发幽光而不彰潜德制曰册府酬庸聿著人臣之懋绩德门辑庆式昭大母之芳徽尔陈氏乃按察司经历銜李沛芝祖

母箴诚扬芬珩璜表德职勤内助宜家久著其贤声泽裕后昆锡类式承乎嘉命兹以覃恩**封**尔为孺人於戏播徽音於彤管壶范弥光膺异数於紫泥母仪益懋

光 绪 元 年 十 二 月 初 五 日

奉^⑨

天承运

皇帝制曰资父事君子笃匪躬之谊作忠以孝国家宏锡类之恩尔李锡祚乃按察司经历銜李沛芝之父积善於身祥开厥后教子著义方之训传家裕堂构之遗兹以覃恩封尔为文林郎锡之敕命於戏殊荣必逮於所亲宠命用光夫有子尚宏佑启益励忱恂

制曰奉职在公嘉教劳之有自推恩将母宜锡典之攸隆尔陈氏乃按察司经历銜李沛芝之母壶范宜家夙协承筐之媚母仪貽谷载昭画荻之芝兹以覃恩封尔为孺人於戏彰淑德於不瑕式荣象服膺宠命之有赫益贲徽音

光 绪 元 年 十 二 月 初 五 日

恭 祝

譚恩敕封七品孺人 晋封宜人 旌表节孝卓谿李贈君德配余太宜人八旬晋一荣寿大庆皇
上御极之六年八月十一日乃 旌表节孝余太宜人八旬晋一设悦良辰宗人梓里咸愿釀金制
锦介寿称觥爰具书索序於_予夫闻善倾慕原_予夙怀矧

太宜人节孝内外皆无间言今逢盛举奚敢以不敏辞_予维德者寿之本也寿者德之徵也德之
著为忠孝者英姿风范固昭天地大经德之成为贞孝者蕙质霜筠尤系纲常正气 太宜人以下
邳名媛作陇西淑配年十七于归鸿案相庄鹿车对挽已羨倡随有偶敬戒毋违十九岁弄璋叶吉
鞠育恩勤迨 贈君弱冠后身占疾病 太宜人延医多方调治寢食不安无何贈君倏归道山
太宜人呼地呼天椎胸饮恨惨情哭泣命几垂危但念将随夫於地下襁褓谁依欲自经於涑中姑
孀疇事只得勉强延生抚孤承祀计孀守在廿三岁偕伉俪者止七年天实为之谓之何哉况值遭
家不造 贈君伯兄茂公亦於先数载辞尘张孺人二十岁守节而柏舟矢志妯娌同贞寡鹄双栖
締断百年之好孤鸾对影群称二妇之贤时也祖姑寿届期颐姑亦齿登耄耋荆钗随侍庶务纷如
太宜人盘匱供高堂之奉妇代儿孙杖履承寢室之欢养兼爱敬先意承颜真百顺之备至问姑及
姊妹四德而无惭其孝养有如此者至於葢葢在抱抚字弗憚辛勤藐藐诸孤教养堪称子惠尝於

绣阁和丸绮窗画荻勸以尊师重道薰德善良并喜设席延宾栽培后嗣其善教有如此者若夫料理粟丝经营产业冠儿训媳在坤贞培觉周详作室置田於壺范偏多创建典礼备蘋蘩之洁治著鱼轩幽贞庆家室之宜谋开燕

翼其持家有如此者而且淑顺天成温恭性裕衣租食税不恃丰腴恤下睦邻每多谦让纺砖落月五夜之缝织犹闻砧石凌霜四时之葛裘早备其勤俭有如此者夫厚德必臻上寿美意即以延年 太宜人松贞矢志机杼垂型是以哲嗣由翰林院待诏加中书科中书升用军民府

覃恩封赠二代大有荣施而砌畔培窠桂之荣庭内毓谢兰之秀犹子誉播明经高标贡树孙侄名登庠序香掇泮芹螽斯庆集一堂高增鹤算象贤荣膺五品宠荷 龙章凡兹众美备臻宜其休徵叠应今者桂轮月满萱荫年高_予等见闻亲切颂祷情殷知是德宜有是福喜晋霞觞羨大德必有大年辉腾彤管曲奏长生统亿兆人而庆祝衣看舞彩以八千岁为春秋是为序赐同进士出身 诰授奉直大夫升用同知广西兴业县知县加五级宗愚侄李崇忠顿首拜撰

七世祖 谥 惠章公 誄文

岁贡 邹国

聚散者容形也哭泣者至情也形有万变在天地亦顺受而无权情不能忘在人心则长悬而不毁故古来感慨悲歌之士凭吊者犹想见其行状矧属懿亲能翫置耶缅惟我 翁学富才优品端望重乡里目为四皓亲朋仰若七贤溯畴昔之交游多似雷陈管鲍挹晚年之丰范宛如颜柳钟王倘其得志胶庠可接祠宗之学士不则挥毫邺水堪夸内史於临川无如瑟虽工善不投所好於齐王傲寄南窗竟乏知音之钟子他人处此当必作穷途之哭而 翁安所遇独见乐贫之天不必田连阡陌而闲闲十亩志足乾坤虽无鸟革翬飞而落落数椽心悬日月建宗庙以妥先灵蘋蘩致孝偕本支而谋奕叶诗礼传家而且睦族和邻不见乾糲之失而且课儿策婿同赉艺苑之堂出片言以解纷若象山之说义利本素心以训族如董子之策天人 公固困穷中一人杰也天宜假以期颐永作泰华恒衡之望胡为古稀甫近遽归蓬菜海屿之多念孙子之孤苦零丁或亦隐抱忽诸之痛想兰桂之飘香竟秀断无贻以身后之忧独是 某 等或属亲谊或居半子睹穗帐之长空悲切晓猿夜鹤悼山人之骤去咽凄泉石风云望空谷而思足音涕溢吴阳之浦登厥堂而瞻手泽泪洒石龙之津假若琼台泉府有开赎命之门即速倾库捐襄愿贡还魂之宝无如帝王师相尽如闪电之光虽曰诰赠焚黄难比生前之享兹望五虞而共献仰祈来鉴乎豆觴

化吴戚友同赠

百岁坊记

进士 林联桂

今上御极之十有七年适吾拙斋师太母黄太安人年登百龄之期乡党上其事於刺史刺史上太守太守上观察观察上院司院司入奏越明年春三月得

旨晋封安人予金建坊於塘堰阡外通衢示

恩荣也五月之望工既讫功属联桂记其事於石联桂谨按黄太安人为化州茅山村例赠修职郎李芳泽公之续配先孺人有丈夫子四人长曰端次曰元国学次即吾拙斋师曰发璧由岁贡生恩赐甲子科举人戊辰科会试

钦赐国子监学正次曰璠皆元配出俱先没次曰发琼国学安人出与余有妻党亲孙国学钟两等曾孙增生廷椿等元孙建光等暨其女子媳妇大共百有余人而

太安人精神健好今且百有四岁矣计吾郡自洗毋开基其间壶范坤仪亦自不乏而欲求一堂五代寿逾百龄世历四朝如太安人者不可多得岂不谓难极生盛盛极生奇哉先是壬申之冬余授经刘榆山刺史幕中曾亲与其事刺史乃命小史搜旧按均无有存者盖化州自开国百七八十年以来所未有之盛事也於戏岂不荣哉余盖掇其始末书之碑阴俾后之过是坊者有所考籍以为升平人瑞云尔

附注：

塘墩登高坡我茅山百岁坊事迹，原是我八世祖芳泽公黄氏婆孺人，寿终壹百有四岁，五代同堂，加恩银锻建坊于塘墩登高坡之古迹，事载省志。嘉庆丙子年建坊，坊高三丈七尺，开设三门，顶中石刻《圣旨》二子，侧有碑志，是进士林联桂公题志，流方千古。本坊建工考术，高大宏伟庄煌，占地面积一亩。但公元一九五八年冬季，吴川县塘墩公社负责人员饬令拆毁，取料大炼钢铁之用。坊址于今塘墩汽车站为中心，我裔孙理应溯考其迹。

八世祖修职郎朴斋公合元续配墓志

进士 林联桂

李公讳芳泽字维中号朴斋端厚其乡溢也居化州茅山村 父色光公有隐德年四十生 公公
谦厚朴诚性纯考事亲养志不懈执丧哀毁绝泣壮岁力田以勤俭馀所资悉济困乏助昏葬供尝
产设义学修谱帙建祠宇而不拥以自奉恶衣恶食晏如也至其笃志义方尤世罕觐每遇贤哲敬
礼不衰岁中不惜厚修延於家塾为子弟矜式其嗣君善礼厥志克能成立吾业师国子监学正公
三子也年八十猷上公车翼登第一慰 公至於九原此固吾师能显扬而 公善训诲亦可见矣
卒世六十有一以子贵赠修职郎元配黄太孺人孝慈恭俭族戚贤之卒年五十有一赠八品孺人
继配黄太安人慈俭和惠抚先配予如已出 公没综理家政大小毕举恒勸诸嗣务耕读励忠厚
以绍前徽寿百有四岁五代同堂 钦族贞寿安人 恩赏银缎异数也建坊塘堰阡外通衢事载
粤左通志 公五子发祥发文国子生发璧由岁贡生甲子科乡试 赐举人戊辰科会试 钦赐
国子监学正发荣皆元配出发琼国学继配出孙曾林立或登上舍或列胶庠嘉庆戊寅春三月生
嗣梦兆吉域合葬龟地嘴山坐寅兼艮越道光辛卯重修孙国学钟两曾孙增生廷椿书来湖南新
化署求志其墓余出令嗣门谊不容辞矧 公与太孺人太安人善行更不可湮没爰述梗概勒诸
贞珉以擗幽宫

钦旌贞寿八世祖妣黄太安人诔

进士 林联桂

洪范言五福也言富言寿而不言名我夫子则曰必得其寿必得其名兼之者则难矣如 太安人是已 安人以江夏之名媛作陇右之母范当 先太翁续弦之年正 太安人持家之日勤俭符谦光之美柔顺协坤道之贞虽偕老不终而先嗣君卓卓腾芳诸兰孙枝枝竞秀璧水流辉蜚声闻於太学明经入选硕望重於儒林且

天庥迭至领乡荐之 殊恩宠命频邀膺桥门之要职此固人生之盛遇毕世之奇逢微论，先太孺人不及料即 先太翁亦不及睹而 安人以一人而享其全则名集於一家矣迄夫世传五代萃庆一堂门户之分以十计生齿之繁以百计虽季伦之谷不乏枯枝倚顿之豪家有时涸辙而 安人则四五十年以前食 先太翁之德泽四五十年以后拥季子之仓箱囊橐储金粟之英奴仆效昆仑之命则富集於一家矣更可异者人之寿曰耄曰耄至期颐止矣而钱鏗以八百特闻论者以为荒诞不经且钟于男子而不钟於妇人尤未足异也而 安人则年逾百龄生逢 四圣 大方伯奏牒上闻 徽音特重

圣天子纶绋下降姓氏长悬锡以贞寿之门用彰厥里允为 熙朝之瑞特建宗坊此生人不易得者而 安人有以得之则寿集於一家矣 安人今年百有四岁以五月十七日遐举里党闻之无不啧啧称羨而在我等倚玉攀以返魂无术爰兴蒿里之悲搦管有言聊在口碑之颂衷哉尚 飨

欽旌貞壽八世祖妣黃太安人誄

恩貢 重華

人生百年曰期頤言以百年為期也孰知有不可期而期不可期而更逾其期者之為尤奇耶如我伯祖母太安人是已 安人壽年百歲有四前甲戌奉 藩司奏聞乙亥大皇帝晉封六品安人崇坊旌表 安人之壽亦榮矣然 安人非期其壽也非有其其壽之逾其期也卒能拔其奇於人壽中者以奇其遇故奇其壽也曷言乎遇之奇也當 安人于歸之日凡四先伯皆非己出也而一則年越古稀父太學子亦太學一則年登大耋前歲貢士后舉進士膺國子監教士世有皓首男兒身名赫奕瞻依繞膝承歡色笑者乎則壽母而多壽子之一奇也至若孫枝林立得之親見者世多有之然或一二代三四代止矣 安人則老者壯者弱者冠者總角者提携襁褓者匍匐膝行者罔弗嘻笑於一室已越五代矣門戶之分以十計生齒之繁以百計則多壽而多男子者之一奇也更可異者 安人誕育止叔父一人其最后也自 先伯祖弃世諸 先伯丁口日繁 安人朝夕承歡者多籍叔父一人叔父則日有餘無不足田連阡陌粟滿倉庾囊橐儲金粟之英奴仆效昆倉之命所以奉養 安人者左宜而右有矣則多壽而多金者之一奇也凡此皆奇其遇而奇其壽者也說者謂吾鄉為發祥之地特思山森然峙拱青烏家以為壽星故吾鄉多壽人而位居於坤故

寿妇为尤多然则 安人之寿其坤舆之气使然耶抑 安人之德有以操其权而握其券耶是皆未可知也兹届三虞之期聊具溪毛之荐其瑞事不忍没也爰挥毫志其寿之奇而为此不文以诔云

岁贡九世育斋公诔

赐进士 林联桂

公曷为而死耶然 公之死而不死者不尚堪缕述耶尝考班孟坚艺文志其一为儒家次权谋家次天文家次阴阳家次形家之数者各推其长穷智究虑其要归亦六经之支与流裔言人人殊其致一也譬如水火相灭亦相生也，公以英迈之姿龀年嗜学弱弱冠后即补弟子员随以优等补食饩辛亥以明经行修贡礼部甲子之秋考验 孙中丞堂曾叹其风仪俊整拟虚广文之席以待之中间数十年家居授徒亦多所成就斯盖儒家者流也魏文帝云名士如画地作饼不可得而啖言有又名而不可济时变也 公则虑事深湛英明独断如雷动如风举皆后发而先至故三党之亲

同室之斗有钩棘处他人所不能断者得 公一言立定斯亦权谋家者流也星象五行之说尚矣陶宏景三命略临 公禄命书虽圣所罕言而其法亦不可废退之南北宿月赞宁天 临门此其徵也 公则旁通妙理自李虚中唐一行李弼乾以及珞珞醒醉聿斯诸篇靡不毕贯以故言人祸福每多奇中即 公羽化之夕亦自前知斯亦天文家者流也郭璞锦囊经久为蔡西山所删正即程 子亦以五患当除教人事至重也 公自强年以后慎终大节尤加意讲求如秦隐士之青囊张留侯之赤苞云外老人之金斗张子房之玉髓真经陈希夷之金锁秘决务得其形根极其理加以奇门遁门之说辅之而先莹多所改厝焉斯亦阴阳家与形家者流也夫以孟坚所志艺文 公且十有其四五使 公得假之年握尺寸绾大表见於 圣天子醲化覃敷之日将儒术足以章文助教权谋足以理剧治焚天之足以璇玑玉衡阴阳形家足以营城郭宫室顾不伟欤而乃於二月廿日 以死呜呼是可哀也已抑亦有可为 公喜者 公之寿六十有七 公之子有五 公之孙十且有奇长君能文声振胶庠每试辄冠一军卷每出房荐而未售餘亦铮铮有声安知 公之学之不克大用於身者之不克大用於后乎由兹以言即破涕为笑亦不为无说我等忝通戚末寅奠一觞 公其能忘情耶其不能忘情耶尚飨

岁贡九世育斋公诔

举人 士志

兄以今二月二十日戌时溘然长逝计今二十一日矣^某等敬以一卮奠 兄则据一言诔德惟兄明听焉 兄幼而奇颖冠而游泮壮而食饩强而明经其范家严肃也则如万石君其训子品藻也则如邓高密其师严教尊也则如晋常爽其感善化恶也则如王彦方以故乡论多高之虽然此尤未足以观其深也今夫风气必有所先合一族之风俗人心必得一人提唱宗风然后气运乃駸駸日盛而此一人者又非弩钝濡恒之所能与於其间刘孔才云聪明秀出谓之英胆力过人谓之英雄不得雄之胆则说不行雄不得英之智则事不立是故英以其聪谋始以其明见几待雄之胆行之雄以其力服众以具勇排难待英之智成之各济所长也 兄自宗庙坟墓以迄幼子童孙事无巨细必以咨境无险夷必得当智以成之胆以行之族之积习赖以新族之懿纲籍以振所谓英雄者非耶今日者 兄徒以一明经老既老且死亦温温无所试耳然古人屐履得其任宰肉得其理识者早以公辅许之况 兄之居乡大节彰彰如是又安见函牛之鼎之不可以烹鸡哉我等适届三虞敢发斯论虞者度也将以付度 兄之行谊未知其有当焉否也虞者安也将以安集 兄之灵魂未知其果安焉否也尚飨

贈徵仕郎國學九世昆圃公墓志

國朝
進士 林聯桂撰

李公於妻党与余为长亲哲兄国子监学正 拙斋先生於余为受业师师母太夫人百岁建坊
余为撰碑私亲世谊情致殊不薄也嗣因会试礼闈系官南楚遂稍契阔而公已归道山矣今孙
廷椿茂才走状乞余为墓碣名时余军需旁午志局纷纭公牖横积无须臾间然义不容辞也乃
携汗为铭曰西平著姓望重石龙簪纓赫奕闕阅名宗贞寿之门奉 旨褒封公其季子锡福独
充器局轩豁气宇冲澗唾面弗拭受祉逾丰寢昌寢炽必和必恭力行善事寿高德隆诗书启后
兰玉重重没宁存顺是谓 界牌岭畔乃卜幽宫山明水媚祥符所钟貽厥孙谋马鬣斯崇永
永年代衍庆无穷

贈徵仕郎國學昆圃公墓表

國朝
進士 林聯桂撰

李君^諱琚^字發^號琮 昆圃先世居粵左東莞縣明嘉靖間徙居化州之茅山村及 公凡九代矣

父朴齋公

例贈修職郎國子監學正 前母氏黃

例贈孺人 母氏黃

欽旌安人伯兄四人皆 前母黃出各有雋才三兄^諱發璧由明經應甲子科鄉試

欽賜舉人戊辰會試

欽賜進士國子監學正尤為士林推重 黃太安人生

公七歲而孤隨諸兄誦讀朝夕不懈稍壯窘於家計遂舍舉業治生握算持籌億則屢中漸

登丰裕焉 公痛幼孤未能事厥考其事 太安人也體志兼養必敬必誠 太安人年登百

齡遵例請

旨旌表

綸緋褒封厚加錫賚建坊於塘墘外通衢遠近榮之此固 太安人德性堅之所致而 公之善

養以永親年者亦可見也 太安人百有四齡仙逝 公盡禮盡哀兆域之營尤竭情致慎葺

足跋涉於山谷者逾两载焉已而天鉴厥诚吉符梦兆遂得牛眠胜地以作马鬣崇封考妣合安厝焉其事诸史也坝箴叶奏棣萼无猜友于之情老而弥笃长兄乏嗣公为择继且捐产以承裡祀公之事亲事长概见於此乙酉岁公援例就国学经营家务之余即涉猎经史常训子孙曰读书期明理以致用非专为科名计也尤酷嗜紫阳纲目恒举其忠孝廉节之事以为后嗣勸孙廷椿补弟子员淳淳以敦品励行博精文艺以期远大为训焉凡人创业多艰用财必嗇而公周恤族党拯济困穷凡义所当为不惜资费惟性安朴素所自奉者淡如也概观平生於事亲见公之孝於事长见公之弟於训后见公之慈於捐产择继好善乐施见公之义与惠虽未尝以文学显名殆亦读书能见大体者欤庚辰岁余解组旋里主讲石城书院与化境相邻友生中多有述公懿行者因耳熟其品概是岁秋公将葬长孙廷椿谒请墓道表余得阅公行状备悉始末与所闻於人言者无间益以知实德可徵厥后之炽未艾也谨徵素履用表泂冈

勉贈徵仕郎國學昆圃公諫

進士 林聯桂

惟公明倫飭紀敦本务实百世下犹将发蒙振落闻风兴起况乎生同里党为乡先生可祭於社端在斯人者乎 翁少孤不及读书穷庐无一可展其手足以大著明於当世要惟纲常伦纪日用行习之地无不知之真行之力其事 太安人也养志承欢竭诚尽敬虽年逾百龄志不少懈恂恂然如孺子绕须膝焉卒之 荣膺品秩 恩赉频仍举人世之不可必得者而得之是不惟有以养亲而更有以荣亲矣则，翁之孝也其课儿孙也以远大相期许殷勤教诲不止为一身一家之谋今长孙幸获一矜而中夜激昂常思翼志青云不欲以小成自足则 翁之慈也其待诸侄孙也视如父子疾痛相关问寒视暖周饥赈乏思其利复思其弊忧其拙更忧其巧诲尔淳淳舌敝发秃今语及吾 翁无不感激流涕则 翁之爱爱及於党亲也其待乡党也虽耕夫俗子亦与之问苦乐劝耕桑课雨占晴语刺刺不能休终不忍薄视斯人置诸度外每慨时异势殊流风日 下习欲因之於是有骄奢放诞凌尊长侮朋侪者矣轻浮浅薄虚骄傲慢此世俗之大患也而 翁则推心置腹重言诺 严取与敦本尚实无浮华刻薄之气斯真能敦气谊以挽颓风者则 翁之推所爱以及於乡党邻里也呜呼人生无一可传虽彭乔之寿终与草木同朽如

翁者砥切行於家修节於身以孝友慈爱忠信笃实为己任岂非人伦之柱础名教之千城者哉方拟寿享遐龄共上百年之祝胡彼苍吝大命难留仰懿范之徒存思音容而不见呜呼哀哉 翁长孙博士弟子员立志进取次子主持家政谨守矩矱诸孙绕膝盈阶兰香桂馥一门诸福备焉 翁亦不可以快焉九京而无憾矣惟我等以葭莩之亲思 翁生平而不能翹然於怀爰握管挥毫追述芳微以垂后世用志向慕之私云尔尚飨

贈徵仕郎國學九世昆圃公諱

恩貢 重華

曰人生如大夢宇宙如轉環自古奇人杰士莫不有寄有歸要惟一二大節可愛可傳其人足重而祭於社 叔史弟五人 伯祖父贈修職郎朴齋公季子 繼伯祖母黃太安人所產也少孤 伯祖母支持門戶綜理家政既勤且儉 叔極誠盡敬養志承歡恂恂然如孺子繞膝至老不懈嘉慶十七年 伯祖母年逾百齡合題請例 州劉榆山公申詳大憲咨禮部奏准

朝廷賜六品安人堅坊旌表 恩賞衣帛甚厚是則 叔之能養親能榮親者矣夫人之爲子難爲孝子難爲榮顯壽母之 孝子爲更難也而 叔有焉又叔艱於嗣中年抚养長子性聰慧能讀祖父書惜天不永年廿齡遽逝 叔哭之恸婦張氏昏倒誓不欲生姑勸抚孤以延夫嗣婦爲忍死鞠育襁孤兒奉 翁姑爲針黹爲磨春克盡婦道今其子廷椿卓然有大志己名冠膠庠矣守貞三十年有子成立厥功懋哉自非 叔有以體恤安全曷以安婦之心而成婦之節哉是則人之爲翁難爲節婦之翁爲難抚孤成立節婦之翁更難也而 叔有焉至於崇儉黠奢尊師重道周給親支紀綱門戶延壺士於春桑荫喝人於夏樾又其素志所篤切焉 叔今年七十有四旧岁援例入太學甫逾年而逝族皆恨之膝下承重孫廷椿砥行立名無慚德器次子鍾餘持 家有道不愧象賢其餘孫及曾孫輩 長岳岳幼觥觥皆有白眉之目衆謂吾 叔有后焉夫修德獲報之言儒者弗道而或有不於其身於其子孫之說以 叔之子若孫驗之始信理有不誣乎餘庆所遺夏声必大杜氏宝田谢玉树其基已崇旌节花红科名草绿其种已植 叔亦快然无憾於九京矣寅奠椒浆以申情图微善实於不朽云

皇清例恩七品五代同堂李祖母翟太孺人墓志铭

恩贡 重华

余司训化州观风课士首得李生廷椿及应督学试俱例优等而创宾兴建塔庙济疲安良州中诸美举皆生倡首董成今春令子莘农补弟子员喜其家学渊源其世德食报心窃异之秋七月 祖母孺人逝将走状乞铭盥诵之下乃叹当道所誉非阿焉 孺人氏翟国子生昆圃公淑配 赐国子监学正公季媳 旌贞寿安人生聪性温厚仪范端庄卓卓善行啧啧碑口而敬事姑慈训后勤持家惠济人其最也观易箴时以广施予遗诸孙妇殆有古贤母和熊封鮓散瞻给周风欵益信衍庆无穷不仅身亲五代相继书香之为寿母颂已寿九十有三子三皆先没铭曰纯嘏尔常厥后尔昌窀窆尔良作善降之百祥

特授文林郎化州学正俸满侯升知县加三级通家晚生

叶轮拜撰

庠生十世玉峰公誄

恩贡

重华

盖古今所艳称难得者曰寿曰名曰男子而已今以一人寿开百龄世推人瑞寿而富有毕世丰腴寿而康强终身矍铄如是可必得乎不可必得矣今以一人必得其寿必得其名始而上庠题其名继而乡里举其名终而輶轩旌其名旋而朝廷锡其名如是可易得乎不可易得矣今以一人身膺寿名家有令子庭有贤孙三代象贤以承颜若胡家双清绢匹五代曾元而绕膝若汉代万石朱幡如是可兼得乎不可兼得矣若我玉峰老兄台者非举人世不可必得不可易得不可兼得者胥有以得之乎 翁一身历三朝年逾大耄前食 太翁德泽治生无事经营后享兰桂仓箱膳老无劳擘画宏景之瞳如月蒔花种竹而外帖写吉庆平安庞德之气如虹含饴弄孙之余诗裁苍颜白发以视乎牛衣草食老年冻馁难堪衰惫龙钟残龄疾苦益甚者远矣今夫君子所疾者没世无称也天下并尊者朝廷显爵也 翁埽苏福之才名月吟初一并子野之高致才号无双妙龄声噪满簧人困橘皮之榜岁晚乡党共选礼崇鸠杖之宾况释菜甲子重新太史耆英持浆乞言 寅阶有典 熙朝品秩荣封黄发银袍灿烂庞眉冠冕辉煌固无殊申公八十而舍鲁邸仗生九十而授经书矣且也宋卿寿而骈福绍述弗传轶固寿而成名后嗣不继是子孙多难而且贤为尤难也，翁也书香一门斑衣五代毓窠家之五桂无俟荔号侧生孕马氏之五常邛须蔗名庶出宫墙是父

是子主器材羨梗 楠園桥难弟难兄绳武碑刊棠棣孙枝楚楚转盼而奇锦连鏢曾元祁祁瞬息
而昂霄纵壑信方庆之未艾也其福厚曷有涯哉闻之有过人之福者必有过人之德德为阴德譬
若耳鸣己可得知人莫得见人第以其貌温恭其量宽厚敬宗睦族重道尊师排纷解难济困恤贫
诸善为 翁福寿功名男子众多报亦浅之乎视翁也已元等仰万石君之家范钦王彦方之乡型
方拟三秋寿域宏开泥首上冈陵之祝詎料六月岁星乍陨伤心作頽岳之歌失卫武之懿范兮摧
人伦之柱础绝韦老之乡望兮倾名教之干城叹百身而莫赎兮恨万死之犹轻念先达可祭於杜
酒进椎牛敦行苇而痛同根悲深泪鹤联名誅德末俗愧无文通之才无术还魂搦管聊缀口碑之
颂哀哉尚飨

敕封十世祖妣黄孺人诔

岁贡

张舟作

女宗不再悼懿范之徒存壶德难忘怅慈颜之既邈无术招魂兴歌薤露有不挥毫写郭太之碑定
论作展禽之溢也哉如我 敕封李母黄太孺人者以江夏名媛 作陇西嘉偶心箴母训曲纪姑
恩祥女入门礼无愆乎内则善心为窈道克正其家人褊衣弗饰蔬食自豪纺砖落月砧石凌霜其

勤俭也料理粟丝调剂盐屑不乱纪纲时操量鼓其持家也裨进高堂羹调厨舍扇挥夏凉炉围冬
暖其事亲也短擎画荻绣阁和丸置问字酒备束修羊其课子也以故哲嗣兼承母教上舍标名中书
著职盈阶兰桂枝擅雕龙绕膝曾元门无题凤此固家运际乎盛隆抑亦圣善食乎美报贤何如也粤
自土 匪蜂集丑类鸱张人惊虎噬家避狼烟宪檄重申募勇等辈过访高贤则见屋尚打头窗横净
几庐难容膝帷读群书稚童则少仪整肃奴仆则服役效忠尽好嘉淆难忘姜辛鱼丙绕多佳 味雅
爰菜甲瓜丁谚云不知其人但观其家观其避寇之家贤更可见矣乃者揜枪尽扫兵甲全销归其
故乡蒔平安竹理诸内政种吉祥花矍铄一身手无扶杖方瞳两目月下穿针申福自天荣膺 龙
章 凤诰亥仙行地笑看白发童颜洵为巾帼之人瑞允增乡党之辉光懿哉某等谊属葭亲惠叨
樾荫方拟制锦联名称觥上寿祝咸进乎麦邱情少申乎梓里焉胡为桃犹未熟萱已先凋呜呼邻
无孟母社罢王修素服登堂对 灵輶而洒泪束刍致奠诔贤母以标型哀笛一声愿归黄鹤愁云
四面作吊青蝇尚飨

勉儒林郎十世祖特斋公誄

重华撰

人生固有一死惟有大过人之行者则死且不朽而不与庸庸碌碌者同归於尽故有圣焉而死死且不朽有贤焉而死死且不朽更有前无所承自我开之以倡於前后无所继自我创之以善其后则死亦不朽若 翁是也 翁赤贫无状颜子一瓢长卿四壁搔首问天未知位置於何等也而翁与伯兄坚持家计远虑深谋经营指画无弗越人意表不羨王杨之术不读致富之书甫数载遂成素封焉田畴错吴石之疆金粟满朱陶之库规模远大前绪宏开此非有大过人之略者能如是乎其於家庭也勸孤儿以穷经扬芬璧水教弱孙以就傅役志青云悯寡女之柏舟始终轸恤贞节克完济外孙之涸辙左右扶携一线得保此又非寻常之人所能及矣至於邻里以朴诚待宗族以和厚待朋友以信义待奴隶以宽平种种懿行又其不可及之馀耳且吾见今 之富者矣衣轻策肥炊金馔玉其热不可炙者不旋踵而化为灰烬而 翁独持之以节俭南院之犊鼻犹留王章之牛衣尚惜其所以示子孙以持盈守满者何其至也箕裘永绍矩矱长垂此非有大过人之识能如是乎翁今年七十有奇矣朝华之草夕而零落松柏之质凌寒不凋意者樵夫之柯已烂仙人之局未终行将陪哲嗣以登堂合同人而祝嘏焉喜可知也而不谓其倏然长逝也岂不痛哉念道范之空留帐音容之永隔招魂一曲聊抚几以陈辞椒酒盈樽敬对 灵而奏假尚飨

勉儒林郎十世祖特斋公诔

举人 陈振邦撰

生者曰寄死也云归贤哲所不免自古皆如斯惟生也有一二嘉行足重於乡党其死也合千万僚友洒泪於 灵輶矧乎自立足师式谷谄治孝节维持如我 特斋翁翁者一旦飘然永逝倏尔长辞有不令人执紼兴悲刑牲倾葵誅德无遗无分亲疏无间远迩尊卑也哉曷言 翁之自立也翁之祖清白自矢 翁之父升斗无储杵臼亲操问伉俪而为家未有菜甲自咬问衣食而糊口几无尔际振兴诚未易也其时建立不亦难乎 翁也协伯兄以谋生货通亥市合季弟而筹画穡力辛畚既克勤而克俭亦积寸而积铢迄今金盈囊橐粟满仓庾家豪可方倚顿富足不让陶朱曷言式谷谄谋也人世所难兮有是父有是子当世所尚兮善於创善於成 翁也遗金万缗教子一经时仅将落之门户恒怀克振乎家声戒以骄奢淫逸课以忠厚朴诚以故嗣君志黄卷而弥切业青箱而益精此日 璧水流辉成均入选他年玉堂著誉澹墨题名且也童孙塾课严师讽诵经书图史健妇家当陆子料理盐屑米零洵方兴之未艾也何仅箕裘克振矩矱克绳曷言节孝维持也翁之令媛结缡妙岁破镜丁年家无斗筲室如罄悬子子红颜饘粥莫给呱呱黄口哺啜无缘誓欲捐躯六尺之孤谁托矢存大义毕生之腹枵然斯固松贞易改柏操难坚矣 翁也馈以粟授以田调剂恳挚保护缠绵婿脉一线延之勿绝女贞半世使有自完迄今一片之璧无瑕芳徽竟体万夫

之灰难劫贞志惊天此固其女之立孝立节无非乃 翁之以安以全呜呼 翁之嘉行足重如此
固宜寿耄耄身康强俾 等同嗣君以祝嘏佐兰孙以称觥胡为岁星乍陨梁木云亡典型不作有
生同伤痛无术以招魂涕连闾里恨无缘而赎命泣裂肝肠用是炙鸡絮酒格幽范以遥临仰其馭
气乘风鉴微忱而尚飨

妣安人十世祖妣龙安人诔

岁贡 廷椿撰

佛家以清淨言寿史迁谓修道养寿吾独谓辛苦者寿朴素者寿宽厚温和者寿不惟生而寿身令人颂之祝之而不置亦且没而寿世令人誄之慕之而不忘如我 伯母龙太安人者有可述焉何以言之盖火为先天之神其味辛金为后天之形其味苦日月得辛苦之精任罗计之所蚀其寿不息冈陵得辛苦之厚任农樵之所凿其寿无疆况人之精神以辛苦而健筋力以辛苦而坚乎此辛苦得寿之说也 安人心箴贤母训凜慈姑桓车对挽菜畚同操落毛纺夜空瓶汲晨盥悬傲逸於衰龄业振盆牢於富有不惟勤课诗书於令子养成德器於文孙已也铜愈炼而精益坚镜愈磨而

光益远殆以辛苦而成其寿者欤或曰天下奢华者多不寿朴素者多寿盖其文华外敛自真精内凝睢睢盱盱之世人多上寿此其徵也如草木然群卉春华而当秋谢不若松柏质朴而寿百年如文章然近体绮丽而尚一时不若典谟浑噩而寿千古此朴素得寿之说也 安人朴实性成贫富一辙俭素足式苦乐无殊适体无过都丽自风流於荆钗布裙适口无过肥甘饶佳味於白盐赤米语云术讷近仁仁者寿殆以朴素得寿者欤或曰天下凉薄乖泪者多不寿宽厚温和者多寿盖凉薄则举毕生之福泽渐积消磨乖泪则举固有之精华尽归剥削非彼苍夺其算也实自己速其年焉 安人持躬宽厚仁幘四面举步留有馀之天接物温和春气盈胸竟体拓生机之地吴文止云气之温和者寿量之宽宏者寿殆以宽厚温和得寿者欤今夫寿而富者曰福寿而名者曰荣 安人春秋九十有五矣当 圣天子御极之初 加恩耆寿荣膺七品孺人以孙贵黜六品安人倚顿家豪王杨装满履祉允升丰祺协泰兰秀一枝饴含五代颂鲁侯之燕喜咏山谷之鸟慈洵福寿与荣寿兼全矣一旦乘化归尽又何憾耶而族^末等化家未能维风倍切慨世风之日下巾幗中晏风安淫逸崇尚繁华残忍时深桀悍日甚得 安人以树诸型庶可挽颓风而振末谷矣悼彼母仪有不能禁声默默者寅奠一觞敢发斯论吁嗟乎招魂不返痛壶范之沦亡搦管有言諫阴教以风世尚飨。

妣安人十世祖妣龙安人诔

岁贡 招炳翹作

歌痛鼓盆神伤破镜卯酒消愁午阴遗夏见夫飞鹏横婺白虹冲霄矗起南离腾入西兑知吾郡有奇女子魂归天上驾返瑶池日将夕矣凶计贲庭媳妇叹室乃知李姻太母龙太安人羽化焉七月二十四日 为五虞期族亲刑牲缩酒致奠申情朴藻缛葩选言诔德礼也 於戚谱为姻太母于兰谱为旧慈亲偕诸僚友白马控来合彼姻娅青蝇作吊齿既列长名忝居先虽叹逝笔愧士衡情难自己表阡才惭郭太谊不容辞谨摭善实书彼素旗云 诔曰恭惟 安人温厚持躬端庄备德夙姻女箴不愆内则珩璜荐响坤顺谦柔荇藻流徽贞静纯一克俭克勤宜家宜室孝顺从姑金闺表率敬顺从夫鸿案罕匹嘉偶曰配家人协吉一朝蝉脱内外悼泣呜呼痛哉其教子也文艺为后器识为先其课孙也忠孝为本翰墨为缘其贻曾元也栽培心地涵养性天其勗妇女也辛勤不倦子惠无偏其睦妯娌也春风满座夏屋千椽其御奴婢也恩威并济宽猛兼全其周急也十斛捐麦一船挥钱其济困也救饥有粥续命馀田祥女入门里巷共喜贤母在室爱日长暄胡为乎夜台一去籍证群仙呜呼痛哉缅彼 安人德日以积福日以隆其眸如月其气如虹其姿如鹤其神如龙居福祿里安智慧宫歌永安枕扶长乐筇晨馐饌洁醅颜酒丰银花甲白莲稻丁红莱衣五代饴含群童志

养文孙祝哽祝噎欢承健妇清夏温冬亥仙地行人世瀛蓬申福自天品秩 荣封禄养未逮胡恕
林风呜呼痛哉

十世赠儒林郎邦禎公诔

诔者哀也思人致哀也诔者累也累述行事也不必尊爵尊齿功耀旗常名光册史累之不已也即
如马少游所云乡里善人身骑箕尾无论亲疏远迩潘杨孔李州党都鄙莫不闻风兴起白马素车
执紼流涕刑牲毖祀挥毫作诔恻 西州而歌蒿里叹斯人不可死如 介直勤惠先生者柱史名家
石龙望族冰壶秋月贤哲挺生吉水茶园庆光世笃祖德宗功驹生麟育颖悟犹人精明所独 先
生敦品金贞石介不柔而刚不骄而泰慎必防微闲不逾大节操不回持守不懈 先生植行如冰
之清如绳之直古愚者流名教是式悃幅无华束躬圭璧事绝苞苴言无粉饰 先生孝友惟是性
钟分梨让产清夏温冬生而养志哀以慎忠牛眠允卜马鬣斯崇蒸尝以蓄祀典维隆 先生教子
克勤克俭挑灯课读望杏耕耘先乎器识后乎艺文珊瑚玉树杞梓困轮楚楚孙枝兰桂芳芬阿咸阿
买如香可薰嶄然头角鹤立超群夏声必大券卜青云 先生持家条理绪就陆子当家米盐钉俎薄

计纲纲发节苗耨琐琐必亲操之只手富益图富创以恢守阡陌田连粟红贯朽绍箕绍裘根深基
厚 先生待人如花春内亲外戚孟里孔伶苦乐有问寒燠有询解纷解难济困济贫佃租以减
债券以焚宾兴厚助以振文人庙貌共修以妥灵神不惟王公嘉时吉日满座倒客颠宾 先生今
三百有奇甲子矣其神奕奕其气熊熊罗髯组组慧目瞳瞳筋强骨健体太颐丰比庞德公拟王六
翁描图上寿祝华呼嵩胡为六月六日一睡葛洪山颓泰岳城主芙蓉呜呼夜台一去此恨何穷悲
猿泪鹤泣雁哀蛩痛百身之莫赎如五岳之填胸^某等桑榆谊切鲍管清浓亲联瓜葛荫附乔松缅
维雅范悼失芳踪举杯长叹洒泪丹枫诤德舒忱搔首苍穹愿 先生驭气乘风来歆此钟醑酌梵
宫逍遥太空破哭为笑看子若孙昂霄纵睿附凤登龙 紫浩重重 焚黄墓中哀哉尚飨

敕封十世祖妣贞节张太孺人传

乙卯举人特
授化州知州

吴尚恭

庚午六月^{尚恭}又以闾差去鹤珊明经谒详母事属为之传夫表贞节以维风彰母教而式化守土责
也不敢以不文辞谨按 太孺人张姓为赠修职佐郎华园公淑配岁贡就职训导廷椿即鹤珊母

監莘畚庠莘农增莘元莘恒祖母庠貽梅廩貽庆等曾祖母寿八十六以子贵封孺人合旌节孝同堂例淑慎修仪温恭著德夙姻闺箴素优内则年十七于归十九举一子二十良人捐馆舍维时绝饮水浆密缝衣袂指彼苍天誓同青冢嗟乎妇随子没谁养白头母伴父忘孰依黄口藉母训言此心石转愁状宛肖乎春蚕哀声远答於寡鹄事百龄祖母梅子风酸保九月孤知母草苦有古巴妇怀清婺桓行义概云於焉衣谋冬纴酒介春祺致洁泚堕诚通孝水料理盐米欢溢慈云疾病则药石亲尝带衣不解含殓则衣衾敬慎式礼莫愆兢兢然妇道可风焉既而教切折菱心勤画荻窗设宋纱丸和柳胆纠端正品轻肆则挹背泪勉读遗书怠惰则苦口食废殷殷然母道可风焉所谓孝以节纯慈缘节笃者非耶先是乙丑之冬余奉檄莅化众举鹤珊总理团防局务迨委擒逆首送客民增学额诸要从容就理刻日告成爰嘉其才之敏读撰家严寿序送余闾行诗与代文光塔记宾兴祠记爰嘉其学之优且抵任六年宗族里邻争平纷解钩棘无闻讼牒费挂爰嘉其服人之众向不知其修至此今乃知太孺人之教有以成也贞松树大灵根蟠深菩提果高福花艳远论者徒谓曾元五代廿叶同堂芹饴联芳三阶绕膝抑末矣夫传者传也史传截发哺乳之美疏帐断机之贤方以孺人阡范比诸竹节冰贞信乎其可传哉阡幽闺帙仪型巾幗播扬圣善助化弦歌乃於九思轩左书此以貽时同治九年也

庠生十一世洙溪公

恩岁 翰青

夫弟与 兄提携左右少年相订大耄为期不谓偶染微疴奄奄不起卒於客岁之残冬春秋六十有二呜呼痛哉窃闻里有达人型家者必能型俗乡有硕彦亢身者亦能亢宗惟兄生而夙慧妙悟前因加以 大父诱之於前 伯父绳之於后行成名立藉甚当时迨夫 大父弃世 德先畴交责厥躬劳心於蒸尝庙祀者二十餘年由是经营先墓大启祠宇峻崇魁阁其为昌后计者不一而足既而弟等亦侥幸成名或采芹食饩侄辈亦次第获隽伯父优游颐养坐观厥成焉兄固无愧於克家之令子哉至於待亲党则解衣推食待宗族则恩明谊美或岁时饮酒共联桑梓之欢排难解纷不作模棱之态以故族之人无不饮和食德恒欲亲炙於庭帟几席间也呜呼以 兄之绳武如此昌后如此待亲党宗族又如此岂不可为一乡之柱础乎虽时运不齐存遭丧明之痛而伯子持家诸孙继起异日昌大门闾为宗族交游光宠者尚有冀也 兄虽死夫何憾

独念^弟等情关手足谊属宗亲追维懿范景仰前徽俱付之荒村蔓草间也岂不昔哉岂不痛哉尚
繪

附贡十一世维周公诔

岁贡 翰昌 作

金台月冷共嗟箕尾星归珠斗亡寒咸叹少微光隕望典型之长谢向秀犹动山阳之悲怅硕彦之云亡羊昙尚泣西州之泪况咏丝萝於梓里差幸忝附乔松而念葭莩於姻亲有不痛深梁木恭惟我翁陇西望族海北名流承先人之旧业理学渊源接数代之丕基凤毛济美 尊太翁过庭有训克衍诗礼之家传兄若弟接武多材更羨箕裘之世德乃 翁则性本天成慧犹夙著鸡群鹤立凤举鸿骞少而奋志萤窗壮即蜚声黉序负元康之誉擅孝标之名吐倒峡词作凌云赋正宜试雕龙之桂月窟昂头奏倚马之才云中骏步胡仅芹香染绿雏凤竞老丹山添艳浮青神鲤遂终碧水则嗟长材於蠖屈孰无情乎而辟荒径与鹤游致足乐也 翁於是杜门谢客闭户烹经琴樽遣兴花鸟怡情葆性真之勿坏全伦纪之无亏五十矢孺慕之诚采衣学舞兄弟叶埭簏之奏花萼联辉而且守儒素之家风持身以俭裕丰亨之统绪创业惟勤刚不吐柔不茹伯仲之间见夷惠纷必排难必解闾阎以内仗千城此其古道照人高风拔俗海量宏深渊衷豁达固宜天庥叠至景福重增图九老於香山永进公堂之祝推群英於洛社同夸天爵之尊胡为乎大耄未登玉楼遽召辰龙纤应

空题郭老之碑甲焉声催莫挽富公之驾蓉城雾黯蜀栈鹃啼乔岳云封瑶京鹤泪惊兴亡之转瞬
思古今於何时天问无期招魂不返云何吁矣能不痛哉等山斗失瞻崔卢谊切未及素车白马登
堂修执紼之恭聊申絮酒葵诚遣唁展束刍之敬哀哉尚飨

陪贡十一世礪溪公诔

举人 黄直光 撰

古称姻娅之属不为制哀礼叙吾党丧朋亦云无服然而诗人寄兴每托情於芻蕘前辈论交亦
伤心於宿草况私亲世谊知己半生哀笛亡琴顿闻一旦有不挥毫为思旧之铭泪洒作哀逝之
赋也哉若我 礪溪太翁者秀毓石龙奇钟陇右遗编能读已从曝蠹 之餘旧德堪承早负化
龙之望锦江春色写成天地文章赤岸赭光赋就云霞璀璨出而就试声噪一簧拔以前茅飭食
甘载无如云龙相逐孟六声隆而科第无凭宋五名失才多不遇 翁实无尤懒窥广川之园仲
舒犹然好学丛生书带之草康成依旧研经其笃学如此 太翁谦光谨厚醇笃温良节介于石
行范如铜延平秋水照人叔则光风挹我凜典型之矩矱修德无息版之时树道学之风流为善有

绳溜之践公门弗谒里传恭靖先生利害弗言世称冲退之士其品行如此至若巢集慈乌庭生
孝笋风推椿树泪洒蓼莪霜陨萱花哀衔粳米眠同姜被庄馥续命之田谊重天伦饥造韦生之
粥悻恻凋荆寡鹄无闲断弦之馀缠绵折萼孤雏不减丧明之会而且许文休之博爱统九族以
俱周黄真卿之剧谈邀四邻而共计人惊赵典复生我道俱罗再世其孝友如此且夫郎居而能
化俗者桓公所以称三辅大人也野处而能解纷者元振所以称大学盛德也 太翁韦睿名高
彦方望夙绋袍多赠旧券时焚芟难夷纷全翼卵於片语泽邻惠里息鼠牙於一言雅好雀舌龙
团花间款客最多张莼苏笋竹外留宾吐属一片婆心王公在座判决十分公道胡母佳谈其待
人如此荀子所谓美意延年史迁所谓修道养寿 翁之谓欤某等门通孔李戚属杨潘方谓自
提养生之印真葆谷神詎料未分贡树之香人登鬼录呜呼痛哉差足慰者孙果是龙才称倚马
了如乳虎气已吞牛信明德之有后定继述之多人耳兹届卒哭之期聊具壶觞之荐草木同其
气类情见乎词兰臭愿勿差池 翁其尚飨

陪贡十一世祖磻溪公誄

岁贡 廷椿作

佛家谓安乐致福辛苦则否我孟子独谓夫人生於忧患者何哉诚以辛苦中天之所玉成者大也若 磻溪兄者殆居安乐而以辛苦玉成欤 兄生长豪富贯朽粟红二十采芹泮水四十食饩黉宫由少而长履以厚由壮而老席以丰疇知其居安乐之不己皆心忧患而无穷当天青云切志黄卷专攻江总之修独早张华之励犹童冬然孝标之麻冰花拂面夏磨青莲之杵暑气燎胸十试风檐焦尾蔡邕而未遇叠战锁院相骨伯乐之难逢有味青灯卫武耄犹好学咸推儒宿优等老擢重重若是其功苦其知遇尤苦而且二亲遐其龄鼓盆歌其声卜子丧其明田氏悴其荆家人骨肉忧心如醒阿宜阿买抚绥无停长媳次媳贞节待成念箕裘幼子未知问字图继述长孙差可传经父道未完几度婚媾嫁子田园作活终年课雨占晴党里勾棘乡邻蜗争待解服亲斗争同室雀角待平若是其境苦其用心为更苦而弟所拳拳者更在论文之细焉兄尝曰读书其实用文章见经济获隽之文有笔有书得机得势雅雅鱼鱼原原委委以乡会雅正为定程以隆万理法为正轨有司以此尺绳等辈 当求乎佳 制又曰吾族文风逐年否蔽若者困於遭际若者不幸下世若者额满见遗若者纨裤自废洎今考三凤齐鸣卜此后八龙起继龙门鳌顶吾也垂暮而无为玉堂金马是所厚望於群季若是其光大人之心为愈苦 兄殆艰苦备尝者欤安知

非天玉成其德行材艺将大用其文经武纬欤或不於其身而於其后之谓欤呜呼吾 兄勗
弟切望^弟深神奕奕腹壬壬方谓申公耄岁名成永欢花萼詎料葛洪一朝梦熟失望儒林頽名
教於千城兮莫赎黄金伤雁行之拆翼兮哀感人琴炙鸡絮酒兮连名沫德以舒以忱云车风马
兮九原驾馭以遥临夜台寂兮容杳杳灵筵荐兮泪潏潏

增贡十二世香池公诔

岁贡 廷椿作

夫人生泡影 电光耳苟无一二嘉行足传终与草木同腐朽求其口碑载道诔之不能也家乘
生光敬之不得也若吾家 香池兄大人则不然兄为增广 镇山公之长孙俊裕公之长子也
镇 山公好吟咏每当风晨月夕秋蟀春庚桃李竞开兰菊竞放偕 西席与诸子侄联吟唱和
有前辈 林靖节风 兄比长能拈韵作诗如画师写绢伸纸吮笔惹惹立就当道器之前太守
赵奇其文拔前茅学使翁奇其文举茂才旋补增广以明经贡礼部士咸惜其不第焉然吾过其
家书声振振问字祁祁未尝不叹三世青衿 兄善承先一门翰墨 兄善启后也殆有过人之

树立欤今夫家庭所最难谐者莫若妇人女子而继母后妻寡妇为尤甚 兄事继祖母及继母敬顺克谐融融泄泄隔膜无嫌异本弗见焉两续断弦三醮俪配抚御有方闾閻怡怡姑媳克谐子母克淑焉且也两弟早夭一孀三幼子一孀无己子共爨有年拆产有年毋偏枯语毋侵渔恶言松贞柏操扶以节完雏鹄孤鳧抚以成立殆有过人之行欤若夫能静而不动者无便 捷之才也可处常而不可处变者无圆通之识也吾族迹来多故内强伶而虎视外寇贼而鸱张庐墓村庄有难保之势当其军书旁午官谕重申修器械备糗粮选壮丁严禁令 兄与诸绅耆谋不崇朝而事举卒之狼烟孔靖鹤泪无闻鸠居永安鸿嗷弗作 兄与力焉殆有过人之才识欤 兄口不言利害足不履城市综理家政祠务之馀暇则博图史暇则课儿孙暇则工人最暇则课樵夫牧豎乡人邻右勉勤俭励善良语戚戚不休言淳淳恳切而凶荒散尝粟昏葬助厚资外孙善栽培乃姊长馈送又其餘也 族末等见其气静神恬筋强体壮方谓天年可永上寿可期花萼之酬酒可长欢行苇之本根可永庇也呜呼孰知其一疾而永诀哉乃者登其堂灵主在堂造其庐瓣香在炉青灯茗碗犹是当年普接音容不闻畴昔痛无术以还魂用联名而诔德举杯洒泪长叹失声敬述芳徽用彰景仰垂诸谱牒以昭来兹兄其有知其来尚飨

庠生十二世南鹏公誄

岁贡 廷椿作

盖常以吉凶大事往来其家见 君少时梯几拳笔作绳头书总角趋庭问麟经字心窃异之比
长苦心学问行文清真雅正屡蹶童场勤益甚有目不窥园之志及壮楚南 马郁斋御史以名
进士来守高郡岁试奇其文拔冠全军旋登黉序州庠铮铮有声己酉战棘返旆闻父逝呼天抢
地匍匐奔里终身不及含殮焉既免丧日持家夜诵读入事亲出课子不读致富奇书克遂营生
雅志积累二十遂登丰裕欲子弟之有成也建家塾以延名师欲家道之日隆也勉勤俭而戒奢
侈欲先人之血食绵长也蓄蒸尝以荐苹蘩欲风俗之敦庞复古也芟稂莠以植嘉禾而且持躬
以敬待人以恭董事以勤交易以信兢兢焉初终弗倦而救急扶危賑饥济困琐琐者勿论也粤
自强邻虎视匪寇鲸吞人惊鹤唳家惧流离地肆鸱张宗虞亡复 君戴星出入合众持筹选壮
丁以团练备糗粮以犒军据 险要以固守此日 升平共东仗 君心力同疲矣胡为乎修谱
未完修祠未举振文风而义学未建培后学而膏火未筹大志莫逮旋归道山此余所由为君恨
更为吾族恨也呜呼悲哉迴思构疾之初不惟乃子若弟吁天请贷而不遑郎余亦数月救治而

不怠胡为药名独活活命无门帝德好生生还无路天耶命耶痛老成之凋谢后生小子景仰无由嗟贤哲之沦亡宗族纪纲仔肩莫助葦共痛其同根枝难分手连理缀诸芜词詠彼芳躅

词曰雁叫霜兮风粟烈狐听冰兮云黯冥颓泰岱兮陨文星悼里党兮失典型赋雕龙兮文鸣凤笔扛鼎兮手掣鲸返朴素兮矢真诚镜善恶兮别渭径膳养亲兮书教子睦宗族兮友弟兄御寇盗兮除狼毒和乡邻兮解蜗争窠桂芬兮谢草荣明德后兮有群英记玉楼兮应召何太急衣素冠兮长叹皆失声怅百身赎命兮良不得如五岳填胸兮而难平淆既馨兮酒既清香馥馥兮烛荧荧驾鹤归来兮大醉酩酊姜存顺兮没自宁五十七载兮胜千龄信积厚兮庆维贞孤鳧调兮久远鸣祥麟威凤兮定崢嶸指日焚 黄兮到墓莹君兮君兮螟目含笑主蓉城

贞节江孺人传

岁贡 廷椿作

江孺人者石邑文昌学应龙公女儒士熙瑚公妻国子生卓材君入继母也母教早修壶仪自穆肆德象女师之篇达恭俭敬一之旨小名飞燕二七之岁才加式咏睢鸠九十之嫡亲结既容且德宜室宜家称嘉偶焉夫子役志青云刳心黄卷攻苦病革时 孺人年十九也散发呼天椎胸扑

地誓作对於泉乡甘同穴於黄土惟念未抱赵氏之孤定馁熬氏之鬼一线乏嗣何忍亡人片刻偷生待图有后杜鹃叫月远助哀声炬烛摇风同飘血泪收案头之砚匣肠甚滄汤对榻面之琴书身将化石衰抱礼成龙真骨出已於焉翡翠弗簪琼玉弗佩圆月弗看双星弗拜力仗持门言无出捆调羹掩泪恐丧哭子之明进袜吞声母贻痛孙之恸酒介眉餐祝哽两阶难老重庆欢心棋敲户乳升堂二代继姑奩呼健妇数十年如一日焉迨卓材以犹子入继爱甚擎珠心殷负裸既患不才复虞过巧还金教忠踈怅教俭铜盘具遵彦之餐熊丸和柳母之瞻修脯厚聘乎名师斗酒久藏其问字其所以养成令器玉以克家者挚矣此日望重成均绳其祖武子之贤母之力也夫款冬之花经霜始艳卷菴之草抽心益荣孺人以贞节葆真天年可永矣以阴德致福禔祉可臻矣胡为灵寿之杖未扶旌节之花已萎年五十二疾终家寢命也何舛天兮曷酷伤如之何然而无孤守义未冠怀清不以亡夫而损孝不以隔膜而损慈颂载口碑光生故里名称没世香溢秋坟所谓彤管遗徽美人不死者非欤谨掇芜词牖诸善实后之荣邀绰楔崇祀贞祠褒孀守以垂家谱采节孝以登志书或将有取乎斯文

茂鸿府君墓志铭

十五世孙茂鸿府君本族茅山村人生于一九一四年正月十三日卒于一九八四年十一月初八日享年七十岁生平酷爱医畜擅长医治民间折骨其医术有妙手回春之称由此曾参加县级兽医协会府君对人一视同仁有求皆应不为钱财的医德令人欣敬君秉济世之心不分贫富是我族解放以来人物典型

府君出身于农民家庭幼年只读几年私塾后随父医兽治跌打刀伤等症他目睹农家病牛无医的苦况族人有折骨后的身心劳形非常痛心从而树立了愿人长健劳我何妨故此日耕夜读勤勉劳苦仰读瑶函博览古籍收集民间验方在实践中积累了不少临床经验在治疗病症时胆大心细辨症准确智园行方用药灵活效果显著君几十年如一日为民忠心耿耿凡牲畜经他医治失而无怨人折骨则愈后如前不远万里上门求医者络绎不绝遥者给饭吃使人苦脸而来笑脸而去君晚年达到炉火纯青的境界博得族众的深厚爱戴

府君在医兽和接骨这两门医术行医中对我族民不但有很大的贡献在培养后代方面亦有很大功绩

府君为族中罕见万纪千龄之烈辈令人敬仰今谨撰此文以予纪念

十六世正权公传

十六世正权公是本族田寮村人，生于一九二九年九月初五日，卒于一九九九年三月二十六日，享年七十一岁。

公少时随父而居，土生土长，其时，父辈勤劳而家境殷实，自足有余，而公不坐享其诚。发奋读书。公从小天资聪颖，胆识过人，胸宽志远。读书至高中时，公看到国家腐败，民不聊生，而忧国忧民，毅然放弃优裕的生活，跟随共产党闹革命，出生入死，枪林弹雨，英勇善战，屡立战功。并升任中南局剿匪队队长。在广西十万大山、雷州半岛一带剿匪清霸，保家卫国。

解放后，公在徐闻县公安局任要职，为当地百姓安居乐业作贡献。而后调回湛江市定居霞山区。公为人和善，并不以位高而尊贵，平易近人，行事低调，从不张扬。公对乡里宗亲，视同兄弟亲人，常嘱咐家人，凡宗亲到访，无论职位高低，富贵贫贱，无论探访或治病借宿，一律有求皆应。若有需求尽力帮助。最感人之处，其时有到湛江市治病访医的宗亲，未入医院先住他家。公之品德感动乡邻，妇孺皆赞。虽公身在

外，但仍关心家乡宗亲疾苦。公回乡省亲时，了解到村中寡女万昌三婆（詹秀珍）身旁无儿无女无亲人，生活凄惨。即时接济，再接三婆到湛江市家中赡养，视同自己的母亲，历时二十一载，直到老人鹤去。

公厚德薄财，乡里宗亲有口皆碑。逢年过节回乡省亲，公必为村中的孤寡老人送钱送物。问寒问暖，以微薄之力温暖众亲之心，公晚年之后，行动不便，仍惦记宗亲疾苦，嘱咐儿孙代其问候乡亲。临终时，公还嘱咐儿孙饮水思源，不能忘记家乡，不能疏远宗亲，以我辈为镜，发扬光大，公之德行，顶天立地，日月可鉴，潦潦数笔，难表公心，仅书几言，万世于后。

十六世孙 永熙作

二零一三年仲夏

各世祖遗下蒸尝祭田土名丘段

岁贡 廷椿作

太祖遗下尝租贰拾叁石五斗（当租不载）

宿江山壹连上叁隻

合水大宗祠前地壹所东由 祖祠外墙路巷直至田边为界西由 祖祠附屋直至田边为界南亦至田边为界

化州城内试馆壹间馆后左边横过壹廊左边直下一廊面前空地一所鱼塘一丘东至城边为界西由巷仔口直下塘沟为界南由 武庙华严庵及各铺尾水滴为界北以塘沟为界

柱波祖遗下尝租捌拾壹石玖斗（当租不载）

冲北祖遗下尝租壹百柒拾石

鸡笠洞村后背山壹隻

老鸦山壹隻

马鞍山壹隻

麻连山壹隻

鸡笠垌面前案山壹隻

振唐祖遗下尝租贰百一拾石

长山经岭一隻

雷公塘岭一隻

西至河西南至田沟
东至路北至牧牛坡

大邪屋地园一所

合水村太祖祠右边屋地贰座捌臂

作人遗下重阳扫墓尝租叁拾石为

父母绰裕公余氏婆与本身夫妻扫墓费用本年所出之资 即本年使完餘事不许开支凡 绰

裕公裔与 伯父华园公裔到扫墓者均一体颁胙饮食所有章程勒之琐珉以垂永远

土名田丘列

狗腿仔田一丘种一斗叁升

九斗洞由一丘种斗伍升

波罗包田一丘种四斗

又连滕一丘种贰斗陆升

又上圆田一丘种贰斗八升

新村地一丘种六升

又下田一丘种一斗贰升

圆头山地一丘种六升

又山仔边地一丘种叁升

充头村边大田一丘种肆斗

洋纲根田一丘种一斗伍升

后背山大头田一丘种贰斗贰升

隔下分截田一丘种一斗贰升

边村地一丘种一斗贰升

亚婆坐地一丘种二升

屋背埔牛路田一丘种壹斗捌升

又后尾田一丘种捌升

龙地埔头村四围等洞大小田地共拾柒丘种贰石捌斗载民米肆斗柒升 李永远户输

纳作人拔囊捐租叁拾石为童生递年大小学膏火之用州府院试之费馀事不干凡

绰裕公裔与 伯父华园公裔均同一体支給所有条例亦竖之碑阴以垂不朽

土名田丘列

车埔田一丘种壹斗伍升

鸭埠田一丘种壹斗叁升

河仔口田一丘种二升

村边地一丘种柒升

后尾凶连滕地贰丘种壹斗壹升

山车地一丘种五升

狗腿上田一丘种捌升

五屋岭大坐上连贰丘种伍斗陆升

上井洞田一丘种贰斗捌升

又连滕田一丘种二斗捌升

又隔下田一丘种壹斗贰升

又隔下田一丘种二斗捌升

又隔下田一丘种壹斗柒升

面前洞狗腿田一丘种壹斗肆升

路沙塘田一丘种玖升

沙划三角田一丘种贰斗贰升

又沙划田一丘咱壹斗叁升

埇头村龙地村四围等洞大小田地共拾玖丘载种贰石捌斗伍升民米肆斗柒升

李永传户输纳

绰裕公遗下尝租伍拾石

土名田丘列后

大坡面前洞上下大小连滕不连滕田共拾陆丘 如兰底村四周等洞大小田地共柒丘

贰共载种肆石伍斗共民米柒斗伍升 李作成户输纳

作人存下瞻口租壹百石（土名田丘未列）

又遗下养性斋书馆坐北向南贰座肆臂左右两郎

又遗下面前岭大园壹隻内高地拾叁丘

又遗下妾陈氏瞻田租叁拾壹石

土名列后

塘底岭村埇头村四围等洞大小连不连滕田地共拾叁丘载种贰石叁斗民米叁捌升

李械成户输纳

附：迁居各地的支派

同光公下

世六 常美 —— 裔（二子）迁桥头安马村

世六 常参 —— 裔（三子）迁徐闻木豢坑村

世六 常灿 —— 裔迁塘练村

世六 常聚 —— 迁瓮埗村

世七 会朝 —— 迁硃州

世七 会明 —— 迁东云二子

世七 会章 —— 裔迁徐闻

世十 元章 —— 水生俱迁琼儋州将军市

同榜公下

高士公

世九 瑞发 —— 一子迁钦州高骆堂

高庭公

世五 高庭 | 迁田寮村

世六 常益 | 迁石城水丽山村

世八 德华 | 迁南康牛屎广住

世八 德英 | 裔迁塘练村

世八 德盛 | 同弟迁合浦山口圩

世九 定国 | 迁蛤拐塘村

世十 文杰 | 裔迁吴川石埠大埠头村

世十 蒲、莒、藻 | 等商迁官渡碑头村

一十世 参淘 | 迁东塘村

三十世 兆登 | 迁徐闻曲界

四十世 人风 | 迁徐闻县曲界区奇岭村

五十世 明纶 | 裔迁玉林

五十世 亚保 —— 迁徐闻前山圩

六十世 正泽 —— 二子俱迁徐闻曲界义公楼波罗山村住

六十世 懋兰 —— 迁徐闻曲界凤山村

高升公

世七 创仁 —— 迁徐闻典界沟南村

二十世 元旭、元升、元瓚、元利、元安 —— 等等于一九零五

年住 崖埔村

三十世 聚东 —— 字国球于一九三六年与裔迁广州

五十世 培容 —— 裔居住塘墩圩

高志公

世十 炳中 —— 裔迁隔河村

二十世 圣超 —— 裔迁灵山平吉圩

二十世 圣猷 —— 裔住平坡仔

世八 岑泽 —— 裔住鸡笠洞村

世八 岢泽 —— 同上

五十世 辉权 —— 四子一九四三年往江西省信丰县万隆区和江村安家落户后有三

子（次三四），且已有裔多人长居住 茅山

六十世 华基 —— 迁湛江赤坎军民堤附近沙湾村

世九 天敬 —— 裔住麻球村

同英公下

世九 瑞结、瑞仲 —— 迁徐闻曲界

世九 瑞仪、瑞昆 —— 迁儋州五王市

世九 焕南 —— 原名瑞光裔迁灵山平吉

二十世 淮分 —— 裔住宿江村

同善公下

世九 宜盛 —— 裔迁容树长坡村（一九八七年已入窑埔村氏族）

同仁公下

世五 华乔 | 迁海康

世七 逢章 | 与弟迁遂溪中伙谭六村

世七 天章 | 同弟与子迁海南琼山县居丁布

同昌公下

世六 常发 | 裔住那黄村

善贤公下

世九 栋材 | 裔住南三米稔下双坟村（即米稔下村）

世九 毓盛 | 同上

世九 世亮 | 住坡头仔黑泥埔

二十世 应贵 | 由米稔下村迁居南头塘村

世七 文聪 | 住吴川旧地新屋村

世十 世芳 | 裔住 南三新村

善学公下

世六
应昌
——
裔住坡头素广美村

曰凤公下

世五
高松
——
裔住如兰村

世五
高伦
——
迁吴川黄姜村

世五
高彪
——
迁雷州锦琅村

世五
高岳
——
迁吴川山背村

附加语

关于我族谱续修的编写及建议

第一，我们这次续修对族谱编排的意图是把我族谱全套共分为六卷，这样各卷的次序既能按照祖公的先后安排，又可以适合各支派的分支；同时也大大减少篇幅。其界限就是：

曰龙公（曰凤公载第六卷）一世至五世为一界限；六至七世是我族目前的现实存在；八世至十二世又为一界限；以下从十三世分房至十七世；下一次续修时可从十八世起再分房。

第二，谱里的宗支小标题，最好同第一卷里一至五世（如：曰龙公二支：长益兰次应寿）的，这样即方便查阅又不容易错漏。

第三，今后续修时应先绘出一个全族最简单的宗支梗概图（如附：曰龙公一世至五世宗支梗概图；一样，编印在卷后），然后再抄载详细内容

这次续修最大的遗憾就是时间仓促。我们期望后代吸取先辈前车可鉴的经验，使我族谱修载得更善美。

十六世孙增锡撰

公元一九八九年（己巳）仲冬

附：曰龙公一世至五世世系宗支（梗概）图

曰龙 一世

二子

(长) 益兰 二世

二子

(长) 茂生 三世

一子

(长) 遇梅 四世

一子

(长) 善贤 五世

二子

(长) 善学 五世

一子

(长) 华先 五世

三子

(长) 华松 五世

二子

(长) 华栋 五世

三子

(长) 华苑 五世

二子

(次) 应寿 (益庄) 二子

(长) 惟培 (甘霖) 四子

(次) 茂畅 四子

(次) 遇松 三子

(长) 同光 (金波) 三子

(次) 高宏 (冲一) 二子

(长) 高庭 (冲霄) 六子

(次) 高升 (冲壁) 四子

(六) 高志 (冲北) 六子

(七) 高羽 (冲云) 四子

(八) 高茂 (冲荣) 三子

(长) 华斗 止

(次) 华国 三子

(三) 华辉 三子

(长) 高桁 一子

(次) 高尚 三子

(三) 高超 二子

(次) 同善 (粹谷) 三子

(三) 同英 (裕谷) 三子

(次) 同榜 (柱波) 八子

(次) 惟润 (苍霖) 二子

(长) 同仁 (鳌波) 二子

(次) 同昌 (挺畅) 二子

(长) 华芬 一子

(次) 高秋 四子

(长) 华楨 二子

(次) 高祯 二子

五世

化州茅山李氏世系宗支

世一

曰龙

——

字文质号茶园志切发祥思适乐士鸿图卜吉燕翼貽谋生弘治丙申妣苏孺人食贫相夫义方训子妇道可风母仪足式生弘治庚戌二子长益兰公次益庄公前明嘉靖间由东莞茶园迁吴川竹山村既而公携兰祖往琼不返庄祖与兰祖子奉养苏孺人於竹山隆庆八年苏孺人终寿七十八葬黄蜂岭乾隆己亥迁葬宿冈世祖墓上内坐子兼癸外坐壬兼子

曰龙公二支：长益兰次应寿

世二

(长)

益兰

——

同父往琼氏终茶园二子与庄祖居竹山

世二

(次)

应寿

——

邑廩字允中号益庄由吴迁化创基茅山孝友承先耕读启后卜年卜世弥炽弥

昌世德作求既根深而蒂固后人食报自叶茂而枝繁生正德庚辰寿七十八终

万历丁酉妣刘孺人生同年寿八十六终万历乙巳万历三十七年合葬宿冈梅

子岭连翹境内坐亥兼壬外坐壬兼子二子

益三公二支：长茂生次茂畅

世三
(长)

茂生

——

生嘉靖丙寅寿八十四终顺治己丑妣汤氏生万历癸酉寿八十一终顺治甲午合葬利

子坑岭一子

世三
(次)

茂畅

——

一子裔住吴川扫杆尾硃州限口等处

益庄公二支：长惟培次惟润

世三
(长)

惟培

——

字滋露号霄霖孝友居心忠厚成性嗣续瓜绵孙曾葛藟分房始祖自公领袖

焉生嘉靖壬子寿六十二终万历癸丑妣杨氏生同年寿六十八终万历己未

合葬宿冈亲墓左同向四子

世三
(次)

惟润

——

字乾滋号苍霖勤俭朴厚有古人风生嘉靖甲寅年四十八终万历辛丑葬宿

冈坐壬妣樊氏生嘉靖丁巳寿六十八终天启甲子葬牛泮山二子

茂生公一支

世四
遇梅

——

生万历戊戌寿七十五终康熙壬子葬石山岭坐卯氏失稽一子

茂畅公一支

世四

遇松

—— 一子

惟培公四支：长同光次同榜三同英四同善

世四
(长)

同光

—— 字挺照号金波生万历乙亥年四十四终崇祯戊辰附葬宿冈祖墓左同向妣

钟氏生万历甲戌葬宿冈梅子埔坐乾三子

世四
(次)

同榜

—— 字挺标号柱波饬纪敦伦敬宗睦族芳流万叶生齿繁昌庆衍八龙衣冠钟武

特建小宗永隆禋祀生万历丁丑寿八十一终顺治丁酉妣谭氏生万历丙子

寿八十二终同年合葬螺蛳塌山坐寅兼甲灰株砖莹八子

世四
(三)

同英

—— 字挺豪号裕谷生万历辛卯年四十终崇祯庚午妣姚氏生万历壬辰寿八十三

终康熙甲寅惧葬简屋地各坟一坐癸一坐乾三子

世四
(四)

同善

—— 字挺德号粹谷葬宿冈山坐乾灰坟妣黄氏寿八十六与次媳黄氏合葬简屋

地山坐壬土坟三子

惟润公二支：长同仁次同昌

世四
(长)

同仁

—— 字挺元号鳌波葬宿冈梅子岭妣龙氏葬牛泮山二子

世四
(次)

同昌

—— 字挺畅葬琼地妣陈氏生万历己亥年二十八终天启丙寅葬宿冈坐亥续陈氏

生万历癸卯寿七十八终康熙庚申葬牛泮山坐坤氏各一子

遇梅公一支

世五

善贤

——

生崇祯庚午年五十三终康熙壬戌妣钟氏生崇祯壬申寿八十三终康熙甲午合葬石

山岭坐辛二子

遇松公一支

世五

善学

——

一子

同光公三支：长华先次华松三华栋

世五

(长)

华先

——

邑庠发文字祥开州庠始妣万氏惧附葬宿江母墓下三子

世五

(次)

华松

——

娶氏二子

世五

(三)

华栋

——

字衷廷生万历己酉寿八十终康熙壬子妣张氏生万历癸丑寿八十终康熙壬

申合葬那庵山坐子兼壬二子

同榜公八支：长高宏次高士三高玉四高庭五高升六高志七高羽八高茂

世五

(长)

高宏

——

字华教号冲一生万历癸卯寿六十四终康熙丙午葬宿冈祖墓左坐西灰坟

妣叶氏生万历乙巳寿七十六终康熙庚申葬简屋地坡坐亥灰坟二子

世五 (次) **高士** | 字华翰号冲苑生万历丙午寿七十二终康熙丁巳妣王氏生万历丁未寿七

十九终康熙乙丑合葬龙地山坐北灰坟二子

世五 (三) **高玉** | 字华遥妣鸿氏俱葬螺螃塌山二子往礪州后裔不知去向

世五 (四) **高庭** | 字华宇号冲霄迁田寮得秘形家留心祖墓迁居立业裕后光前生万历壬子

寿六十六终康熙丁巳妣詹氏生万历丁巳寿七十五终康熙辛未合葬百足

钳灰坟六子晚婢出迁合浦山口圩

世五 (五) **高升** | 字华杨柳号冲璧生万历甲寅寿六十五终康熙戊午葬宿冈山坐壬兼子灰坟

妣陈氏生同庚年三十五终顺治戊子葬百足钳坐乾兼亥灰坟续樊氏葬百足

钳坐东四子陈出

世五 (六) **高志** | 字华肖号冲北竭力耕田供其子职矩守高曾模垂孙子专祠特享生万历丁

巳寿八十二终康熙戊寅妣陈氏生万历丙辰寿八十终康熙乙亥合葬飞鼠

岭内坐亥兼壬外坐壬兼子六子四长惧正出二晚妾出

世五 (七) **高羽** | 字华鸾号冲云勇力超群村乡保障流寇蜂起永奠鳩居生万历己未年四十

三终顺治辛丑妣陈氏生万历戊午年五十一终康熙戊申合葬百

足钳坐乾兼亥四子

世五 (八) **高茂** —— 字华生号冲荣葬高城外地妣徐氏葬简屋地坐壬三子

同英公三支：长华斗次华国三高辉

世五 (长) **华斗** —— 与妣惧葬简屋地一子殇 止

世五 (次) **华国** —— 生万历丁巳寿六十六终康熙壬戌葬后背山坐东灰坟妣谭氏生万历戊午寿

六十二终康熙己未葬简屋地坐壬兼亥三子

世五 (三) **高辉** —— 字华照生天启丙寅五月十六终康熙壬戌葬简屋地坐乾妣乾妣余氏生同

庚年五十六终葬简地坐壬三子

同善公三支：长高桁次高尚三高超

世五 (长) **高桁** —— 葬简屋地坐乾妣卢氏养同姓一子常鉴 止

世五 (次) **高尚** —— 字华昆创业经营捐襄建籍申三一都三甲户自 公伊始葬长山经坐东妣黄

氏与姑合葬二子妾许氏与公合葬三子

世五 (三) **高超** —— 生崇祯庚辰年三十一终康熙庚戌妣陈氏生顺治甲申寿七十九终康熙壬

寅合葬山路山坐东北二子

同仁公二支：长华乔次高秋

世五
(长)

华乔

——

一子常赞父子同迁海康

世五
(次)

高秋

——

生天启丙寅寿七十九终康熙甲申妣陈氏生崇祯元年寿八十六弹终康熙癸

巳惧葬牛泮山坐午四子

同昌公二支：长华芬次高祯

世五
(长)

华芬

——

葬牛泮山妣陈氏一子常钦娶蔡氏一子朝章氏适一子中殇 止

世五
(次)

高祯

——

字华祥号冲馗生崇祯乙亥寿六十三终康熙丁丑妣陈氏生崇祯丙子寿七

十终康熙甲子二子